

**PROVINCE OF WESTERN CAPE**

---

**WESTERN CAPE PROVINCIAL  
SCHOOL EDUCATION ACT, 1997**

*(As amended)*

(Minister of Education)

[For purposes of interpretation, the Gazette versions of the Western Cape Provincial School Education Act, 1997 (Act 12 of 1997), the Western Cape Provincial School Education Amendment Act, 2010 (Act 7 of 2010) and the Western Cape Provincial School Education Amendment Act, 2018 (Act 4 of 2018) must be consulted at all times.]

[No. 12—1997]

---

**PROVINSIE WES-KAAP**

---

**WES-KAAPSE PROVINSIALE  
WET OP SKOOLONDERWYS, 1997**

*(Soos gewysig)*

(Minister van Onderwys)

[Ter wille van die doeleindes van interpretasie, moet die Koerant-weergawes van die Wes-Kaapse Provinsiale Wet op Skoolonderwys, 1997 (Wet 12 van 1997), die Wes-Kaapse Provinsiale Wysigingwet op Skoolonderwys, 2010 (Wet 7 van 2010) en die Wes-Kaapse Provinsiale Wysigningswet op Skoolonderwys, 2018 (Wet 4 van 2018) te alle tye geraadpleeg word.]

[Nr. 12—1997]

---

**IPHONDO LENTSHONA KOLONI**

---

**UMTHETHO WEMFUNDO WEZIKOLO  
ZEPHONDO LENTSHONA KOLONI**

**KA-1997**

*(Ofakelwe izilungiso)*

(UMphathiswa weMfundo)

[Ukulungiselela iinjongo zokucaciswa kwentsingiselo, iinguqulelo zeGazethi yoMthetho weMfundo weZikolo zePhondo leNtshona Koloni, 1997 (uMthetho 12 ka-1997), uMthetho oFakela izilungiso kuMthetho weMfundo weZikolo zePhondo leNtshona Koloni, 2010 (uMthetho 7 ka-2010) kunye noMthetho oFakela izilungiso kuMthetho weMfundo weZikolo zePhondo leNtshona Koloni, 2018 (uMthetho 4 ka-2018), mayifundwe ngawo onke amaxesha.]

[No. 12—1997]

---

# UMTHETHO

*[Inkqubo edityanisiweyo yoguqulelo lwesiNgesi ebandakanya izilungiso kuMthetho wesi-7 wama-2010 noMthetho wesi-4 wama-2018]*

Ukubonelela ngenkqubo yemfundo efanayo yombutho, ulawulo kunye nenkxaso mali yazo zonke izikolo; ngenxa yoku kurhoxisa kwemithetho ethile ephathelene nezikolo; nokulungiselela izidingo ezithile zemfundo zeli phondo.

## IMBULA MBETHE

NJENGOKUBA iPhondo leNtshona Koloni likuqonda ukubaluleka kwayo yonke *imfundo* ekwenzeni abahlali bahlukane nokungalingani kwexesha elidlulileyo ukuze bafezekise amandla abo kwiphondo elikhula ngokukhuphisana, kuqoqosho lwesizwe nolwehlabathi; kwaye

NJENGOKU, ukuza kuthi ga ngoku, kubalulekile ukuba bonke *abafundi* bafikelele kumgangatho ophakamileyo *wemfundo esisiseko* enokuthi ibonelelwe *liphondo* neliza kugcina imigaqo kunye neenqobo ezisemgangathweni zoMgaqo-siseko weRiphabhlikhi yoMzantsi Afrika, we-1996, ngakumbi amalungelo abantwana, lo gama befumana imigangatho epezulu yokuphendula kubo *abafundi*, *abazali babo*, *amabhunga olawulo ezikolo*, *abefundisi ntsapho namagosa*,

**N**NGOKO KE UKUZE KUWISWE UMTHETHO yiPalamente yePhondo leNtshona Kapa, ngale ndlela

ilandelayo:

[Imbula mbethe kunye negatya lowiso mthetho elisetyenziswe endaweni ka s. woku-1 loMthetho wesi-7 wama-2010.]

## ISAHLUKO SOKU-1

### UMLISELO LOMTHETHO

#### Inkcazelo

**1. Kulo Mthetho**, ngaphandle kokuba umxholo uchaza ngolunye uhlobo—

[Inkcazelo ye “mfundo yabadala” icinywe ngo s. woku-1(a) ngoMthetho wesi- 4 wama-2018.]

“*umntu ogunyazisiweyo*” uthetha umntu ogunyaziswe yiNtloko yeSebe ukuqhuba uhlobo ngokumalunga necandelo lama-20 laloMthetho; (vi)

“*imfundo esisiseko*” ithetha *imfundo* ukusuka kwi *banga* likaR (Ulwamkelo) ukuya kwi *banga* le-12;

[Inkcazelo ye “mfundo esisiseko” ifakelwe ngo s. weso-2(a) yoMthetho wesi-7 wama-2010.]

“*uMhlalutyi oyiNtloko*” uthetha umhlalutyi oyintloko we *sikolo* oqeshwe ngokumalunga necandelo 11A(2);

“*umlawuli wesekethe*” uthetha intloko ye-ofisi yekethe kwisithili *semfundo*, ophumeza imisebenzi eyabiwe ngumlawuli wesithili okanye yiNtloko yeSebe;

“*intsebenziswano yesikolo*” ithetha *isikolo sikarhulumente* esichazwe kwicandelo 12C;

[Inkcazelo zo “Mhlalutyi oyiNtloko”, “umlawuli wesekethe” kunye “nesikolo sentsebenziswano” ifakwe ngo s.woku-1(b) woMthetho wesi-4 wama-2018.]

“*indibaniso yesikolo*” ithetha *isikolo* esibonelela ngenfundo yamabanga aphantsi kunye neyamabanga aphezulu ukuya kwibanga elingaphezulu kwibanga lethoba kodwa lingagqithi kwibanga leshumi elinesibini; (v)

**“*uhambo lwesikolo olusisinyanzelo*”** luthetha ukuhamba isikolo ngokunyanzelekileyo okufakwe phantsi kwecandelo lama-42 la *lo Mthetho*; (xxxix)

**“*uMgaqo siseko*”** uthetha uMgaqo siseko weRiphabliki yaseMzantsi Afrika, 1996; (x)

[Inkcazelo yo “Mgaqo siseko” olungiswe ngo s. wesi-2(b) woMthetho wesi-7 wama-2010.]

**“*isixhobo esinobungozi*”** sithetha—

(a) nasiphi na isixhobo sesiqhushumbisi okanye isixhobo;

(b) nawuphi na umpu okanye isixhobo serhasi;

(c) naliphi na inqaku, into okanye isixhobo okanye igajethi enokusetyenziswe ukwenzakalisa umzimba womntu ukuya kumntu okanye ukonakalisa ipropati, okanye ukwenza umntu akhubazeke okwexeshana okanye amkelwe ziingqondo; okanye

(d) nayiphi na into apho—

(i) u*Mphathiswa kaZwelonke* ubhengeza into enobungozi phantsi ko*Mthetho weSikolo soMzantsi Afrika* ngenjongo yalo *Mthetho*; okanye

(ii) u*Mphathiswa wePhondo* ubhengeze ngesaziso kwi*Phepha ndaba lombuso wePhondo* njengento enobungozi ngenjongo zalo*Mthetho*;

[Inkcazelo ye “nto enobungozi” ifakwe ngecandelo lesi-2(c) loMthetho wesi-7 wama-2010.]

**“*umlawuli wesithili*”** uthetha intloko ye-ofisi yesithili ophumeza imisebenzi phantsi komyalelo womthetho we*Ntloko yeSebe*;

**“*umnikeli*”** uthetha umtu ochazwe kwicandelo 12C(2)(a) okanye 12D(1) onikela ngenkxaso mali okanye ipropathi yentsebenziswano yesikolo okanye *umnikeli oxhasa isikolo sikarhulumente* ngenjongo yokuphucula uniko lwemfundo kwiphondo;

**“*umnikeli oxhasa sisikolo sikarhulumente*”** uthetha *isikolo sikarhulumente* esichazwe kwicandelo 12D;

[Inkcazelo zo “mlawuli wesithili”, “umnikeli” kunye “nomnikeli oxhasa isikolo sikarhulumente” ifakwe ngecandelo loku-1(c) loMthetho wesi-4 wama-2018.]

**“*imfundo*”** ithetha ukufundisa, ukwazisa okanye ukuqeqesha okunikezelwa kuba *bafundi* ngokumalunga nalo*Mthetho*; (xx)

**“*imfundo ekhaya*”** ithetha imfundo eqhutyelwa ekhaya yalatha kwicandelo lama-36 lalo*Mthetho*; (xxii)

**“*Bhunga leMfundo*”** ithetha iBhunga leMfundo leNtshona Kapa elashungulwa licandelo le-11;

[Inkcazelo ye “Bhunga leMfundo” elisetyenziswe endaweni yecandelo lesi-2(d) loMthetho wesi-7 wama-2010.]

**“*umfundisi ntsapho*”** uthetha nawuphi na umntu, ingenguye umntu oqeshwe ukuba enze umsebenzi ongaphaya komsebenzi wakhe wesigxina, ofundisa, owazisa okanye oqeqesha abanye abantu okanye onikezela ngeenkono zemfundo enobuchule, kuquka ubuchule bokunyanga neenkono zobunzululwazi ngengqondo, *esikolweni*; (xxiv)

[Inkcazelo yo “mfundisi ntsapho” isetyenziswe endaweni yecandelo loku-1(d) loMthetho wesi-4 wama-2018.]

**“*uMthetho wokuQeshwa kwabefundisi ntsapho*”** uthetha uMthetho wokuQeshwa kwabefundisi ntsapho, we-1998 (uMthetho wama-76 we-1998);

[Inkcazo yoMthetho woku“Qeshwa kwabefundisi ntsapho” ifakwe kwecandelo lesi-2(e) loMthetho wesi-7 wama-2010.]

**“*Umhlalutyi*”** uthetha umhlalutyi wezikolo oqeshwe ngokumalunga necandelo 11A(4)(b);

[Inkcazelo yo “Mhlalutyi” ifakwe kwecandelo loku-1(e) loMthetho wesi-4 wama-2018.]

**“*intloko yezemali*”** ithetha u*Mphathiswa wePhondo* onoxanduva lwemicimbi yezemali zephondo;

[Inkcazelo ye “ntloko yezemali” isetyenziswe endaweni yecandelo lesi-2(f) loMthetho wesi-7 wama-2010.]

**“*umhla omisiweyo*”** uthetha umhla wokuqalwa kwalo*Mthetho*; (xxxviii)

**“*ibhunga lolawulo lwesikolo*”** uthetha ibhunga lolawulo lwesikolweni owalathe kwicandelo lama-21 lalo*Mthetho*; (ii)

**“*ibanga*”** lithetha ukuba inxalenye yenkqubo efundisayo ekufuneka *umfundi* aligqibe ngonyaka omnye *wesikolo*, okanye nayiphi na enye inkqubo yemfundo anokuthi u*Mphathiswa wePhondo* acinge ukuyilinganisa ngoko; (ix)

[Inkcazelo ye “banga” ilungiswe ngecandelo lama-27 loMthetho wesi-7 wama-2010.]

**“*iNtloko yeSebe*”** ithetha intloko ye*Sebe leMfundo yaseNtshona Kapa*; (iii)

**“*ihostele*”** ithetha ihostele esungulwe phantsi kwecandelo lesi-4(1)(a) lalo*Mthetho*; (xii)

**“*isiyobisi esingekho semthethweni*”** sithetha nasiphi na isiyobisi njengoko sichazwe kuMthetho weziYobisi nowokuHambisa iziYobisi, we-1992 (uMthetho we-140 we-1992), osetyenziswa okanye obangwayo ochasene necandelo lesi-4 walo *Mthetho*;

[Inkcazelo ye “siyobisi esingekho semthethweni” ifakwe kwicandelo lesi-2(g) loMthetho wesi-7 wama-2010.]

“*isikolo esizimeleyo*” sithetha *isikolo* esibhalisiweyo okanye ekucingelwa ukuba sibhalisiwe ngokumalunga necandelo lama-30 *laloMthetho*; (xviii)

“*isikolo esizimeleyo sabafundi abanezidingo zemfundo eyodwa*” sithetha *isikolo* esibhalisiwe ngokumalunga necandelo lama-30 *laloMthetho* nje ngesikolo esizimeleyo sabafundi abanezidingo zemfundo eyodwa, okanye ekucingelwa ukuba sibhalisiwe; (xix)

“*isikolo samabanga aphakathi*” sithetha *isikolo* esibonelela *ngemfundo* yamabanga aphantsi naphezulu efika kodwa ingadluleli *kwibanga* lethoba; (xvi)

“*iziko longenelelo*” lithetha iziko elichazwe kwicandelo 12E;

“*Umhlalutyi oKhokelayo*” uthetha umhlalutyi okhokelayo wezikolo ezikhethwe ngokumalunga necandelo 11A(4)(a);

[Inkcazelo ye “ziko longenelelo” kunye “noMhlalutyi oKhokelayo” ifakwe kwicandelo loku-1(f) loMthetho wesi-4 wama-2018.]

“*umfundi*” uthetha nawuphi na umntu ofumana *imfundo* okanye obophelekileyo ukuba afumane *imfundo* ngokumalunga *naloMthetho*; (xiii)

“*umfundi onezidingo zemfundo eyodwa*” uthetha *umfundi onezidingo ezongezelekileyo zemfundo* ekufuneka elungiselelwe kwizikolo *zicarhulumente* kangangoko kunokwenzeka kufanelekile, okanye *izikolo zabafundi abanezidingo zemfundo eyodwa*; (xiv)

[Inkcazelo ye “qumru lowiso mthetho” kunye neLungu le “Bhunga loLawulo” icinywe ngecandelo lesi-2(h) loMthetho wesi-7 wama-2010.]

“*ilungu labasebenzi*” lithetha umntu oqeshwe *esikolweni*; (xxvi)

“*uMphathiswa kaZwelonke*” uthetha uMphathiswa kuRhulumente kaZwelonke onoxanduva lwemfundo *esisiseko*;

[Inkcazelo yo “Mphathiswa kaZwelonke” isetyenziswe endaweni yecandelo lesi-2(i) loMthetho wesi-7 wama-2010.]

“*igosa*” lithetha umsebenzi weSebe *leMfundo yaseNtshona Kapa* oqeshwe ngokumalunga noMthetho wokuQeshwa kwabefundisi *ntsapho*, okanye uMthetho weNkonzo yoLuntu, we-1994 (Isibhengezo se-103 se-1994); (i)

[Inkcazelo ye “gosa” ilungiswe ngecandelo lama-27 loMthetho wesi-7 wama-2010.]

[Inkcazelo yo “msebenzi owenzelwe ukufundisa” icinywe ngecandelo lesi-2(j) loMthetho wesi-7 wama-2010.]

“*ihlakani elisebenzayo*” lithetha umbutho ongenzi nzuzo ogunyaziswe ukuba wenze umsebenzi wawo, izakhono okanye izixhobo onazo *zesikolo esisebenzisanayo* ukuxhobisa *iqumru likarhulumente*, ihlakani lolawulo *lwesikolo*, *nabefundisi ntsapho esikolweni* ukuphuhlisa iinkqubo, izakhelo, inkcubeko kunye nomthamo ofunekayo ekuhambiseni *imfundo* esemgangathweni;

[Inkcazelo ye “hlakani elisebenzayo” ifakwe kwicandelo loku-1(g) loMthetho wesi-4 wama-2018.]

“*umzali*” uthetha—

(a) umzali okanye umgcini *womfundi*;

(b) umntu onelungelo elisemthethweni wokugcina *umfundi*; okanye

(c) umntu owamkela ukuzalisekisa izibophelelo zomntu owalathwe kumhlathi (a) kunye (b) kujoliswe kwimfundo *yomfundi esikolweni*; (xxv)

“*iNkulumbuso*” ithetha iNkulumbuso yePhondo leNtshona Kapa eyonyulwe ngokumalunga necandelo le-128 loMgaqo *siseko*; (xxvii)

“*isikolo sabasaqalayo*” sithetha *isikolo sabafundi* abangekho bancinci ngaphantsi kuneminyaka emithathu kwaye bengexho badala ngaphezu kweminyaka emithandathu; (xxviii)

“*omiselweyo*” uthetha ukumiselwa *ngokomthetho* ngokumalunga *naloMthetho*, okanye nawuphi na omnye umthetho; (xLii)

“*isikolo samabanga aphantsi*” sithetha *isikolo* esinikeza ngemfundo ukuya kutsho kodwa kungagqithanga *kwibanga* lesixhenxe; (xxix)

“*inqununu*” ithetha *umfundisi ntsapho* oqeshwe okanye obambele intloko *yesikolo*; (xxx)

“*iphondo*” lithetha iPhondo leNtshona Kapa; (xxxii)

“*iPhepha ndaba lombuso*” lithetha iphepha ndaba lombuso elisemthethweni apho urhulumente nezaziso ezisemthethweni zorhulumente wephondo zipapasha khona; (xxxi)

“*uMphathiswa wePhondo*” uthetha uMphathiswa wePhondo onoxanduva lwemfundo *ephondweni*;

[Inkcazelo yo “Mphathiswa wePhondo” ifakwe ngecandelo lesi-2(k) loMthetho wesi-7 wama-2010.]

“*isikolo sizarhulumente*” ithetha *isikolo* esisungulwe okanye esicingelwa ukuba sisungulwe phantsi kwecandelo le-12 *laloMthetho*; (xxiii)

“*imimsele*” ithetha imimiselo eyenziwe phantsi *kwaloMthetho*; (xxxiii)

“*ibhunga elimele abafundi*” lithetha ibhunga elimele abafundi elisungulwe phantsi kwecandelo lama-48 *laloMthetho*; (xL)

**“isikolo”** sithetha *isikolo sikarhulumente* okanye *isikolo esizimeleyo* esibonelela ngemfundo *esisiseko*;

[Inkcazelo ye “sikolo” isetyenziswe endaweni yecandelo lesi-2(l) loMthetho wesi-7 wama-2010.]

**“umsebenzi wesikolo”** uthetha nayiphi na imfundo, inkcubeko, imidlalo, unyuso lwengxowa mali okanye umsebenzi wasekuhlaleni *wesikolo* phakathi okanye ngaphandle kwamasango *esikolo*;

[Inkcazelo yo “msebenzi wesikolo” ifakwe kwicandelo lesi-2(m) loMthetho wesi-7 wama-2010.]

**“igosa lokusimasa isikolo”** ithetha igosa lokuzimasa isikolo eliqeshwe phantsi kwecandelo le-10 *laloMthetho*; (xxxvi)

**“iifizi zesikolo”** uthetha iifizi zesikolo ochazwe kwicandelo lama-49, kwaye uquka naluphina uhlobo lwegalelo oluyimali eyenziwe okanye ehlawulwe ngumntu ngokunxulumene nokuzimasa okanye uthatho nxaxheba ngumfundi kuyo nayiphi inkqubo *wesikolo sikarhulumente*;

[Inkcazelo yo “iifizi zesikolo” ifakwe kwicandelo lesi-2(n) loMthetho wesi-7 wama-2010.]

**“isikolo sabafundi abanezidingo zemfundo eyodwa”** sithetha isikolo sabafundi abanezidingo zemfundo eyodwa eyasungulwa phantsi kwecandelo le-12 *laloMthetho* okanye *isikolo esizimeleyo sabafundi abanezidingo zemfundo eyodwa* ebhaliswe phantsi kwecandelo lama-30 *laloMthetho*; (xxxvii)

**“isicwangciso sokuphucula isikolo”** sithetha isicwangciso esichaza okuphambili okujoliswe kuko *sisikolo sikarhulumente* ukuphucula iziphumo zemfundo kunye nokubumba isikhokelo nokuphuhlisa *kwesikolo*;

**“iGunya loVavanyo lweZikolo”** lithetha iGunya loVavanyo lweZikolo zaseNtshona Kapa elichazwe kwecandelo 11A(1);

[Inkcazelo ye “sicwangciso sokuphucula isikolo” kunye “neGunya loVavanyo lweZikolo” ifakwe kwicandelo loku-1(h) *laloMthetho wesi-4 wama-2018*.]

**“isikolo samabanga aphakamileyo”** sithetha *isikolo* esibonelela *ngemfundo* esuka kodwa ingekho ngaphantsi kwesibhozo ukuya kodwa ingaligqithi *ibanga* leshumi elinesibini; (xxxiv)

**“uMthetho weZikolo woMzantsi Afrika”** uthetha uMthetho weZikolo zaseMzantsi Afrika, we-1996 (uMthetho wama-84 we-1996);

[Inkcazelo yo “Mthetho weZikolo woMzantsi Afrika” ifakwe kwicandelo lesi-2(o) loMthetho wesi-7 wama-2010.]

**“imfundo enezidingo ezizodwa”** ithetha *imfundo* nenkxaso yohlobo lwemfundo enezidingo ezizodwa ebonelela *ngezidingo zabafuni abanezidingo zemfundo eyodwa*; (viii)

**“umcebisi wezifundo”** uthetha inkcutshe yomfundisi ntsapho ohleli e-ofisini kwi-ofisi yesithili okanye i-ofisi yesekethe omsebenzi wakhe ikukuququzelela ukuphunyezwa kwekharikyulam nokuphucula ubume nenkqubo yokufunda nokufundisa *zizikolo ezityeleleyo*, kunye nokucebisa *nenqununu* kunye *nabefundisi ntsapho* kwimicimbi yekharikyulam;

[Inkcazelo yo “mcebisi wesifundo” ifakwe kwicandelo loku-1(i) loMthetho wesi-4 wama-2018.]

**“lo Mthetho”** uquka imimiselo;

[Inkcazelo ya “lo Mthetho” isetyenziswe endaweni yecandelo lesi-2(p) loMthetho wesi-7 wama-2010.]

**“iSebe leMfundo yaseNtshona Kapa”** lithetha isebe lephondo elinoxanduva lemfundo.

[Inkcazelo ye “Sebe leMfundo yaseNtshona Kapa” isetyenziswe endaweni yecandelo lesi-2(q) loMthetho wesi-7 wama-2010.]

## ISAHLUKO SESI-2

### UKUQINISEKISWA KOMTHETHO

#### Ulawulo lwemfundo

2. Ngokuxhomekeke kwimigqaliselo *yalo mthetho, imfundo ezikolweni kwiphondo* iyakuba kwigunya loMphathiswa wePhondo kwaye iya kulawulwa liSebe leMfundo yeNtshona Koloni.

[Icandelo lesi-2 lihlonelwe ngecandelo lama-27 loMthetho wesi-7 wama-2010.]

#### Ukumiselwa komgaqo-nkqubo wemfundo wephondo

3. (1) Ngokuxhomekeke kwimigqaliselo yoMgaqo-siseko, uMphathiswa wePhondo unokuthi, apho kufanelekileyo, amaxesha ngamaxesha amisele umgaqo-nkqubo oya kwenziwa ngokubhekisele kwimfundo ezikolweni kwiphondo, ethathela ingqalelo le migaqo ilandelayo,—

[Amagama aphambi komhlathi. (a) alungiswe ngo s. wama-27 woMthetho wesi-7 wama-2010 waza wasetyenziswa endaweni ka s. wesi-2 woMthetho wesi-4 wama-2018.]

(a) *umfundi ngamnye* uya kubanelungelo *kwimfundo esisiseko kwisikolo sikarhulumente* esikufutshane naye, ngaphandle kokuba kunokwenzeka;

- (b) *umfundi ngamnye* uya kubanelungelo kufikelelo olulinganayo *kwizikolo zikarhulumente*;
- (c) *umfundi ngamnye* uya kubanelungelo lokufumana imfundo ngolwimi olusemthethweni okanye ulwimi lokuzikhetela, kuquka ilungelo lokwenza naluphi na ulwimi olusemthethweni njengesifundo, ngaphandle kokuba kunokwenzeka;
- (d) *imfundo* iya—
  - (i) kubonelela ngokungqinelana nezidingo, ubuchule, amandla nomdla wabafundi kunye nezidingo zesizwe;
  - (ii) mayibhekiswe ekufezekiseni amathuba alinganayo *emfundo* kunye nokulungiswa kokungalingani *kwemfundo* yangaphambili
  - (iii) khuthaza inkcubeko yentlonipho yokufundisa nokufunda kumaziko *emfundo*;
  - (iv) phucula umgangatho *wemfundo* ngokulandelela nokwenza uvavanyo kunye nokusebenza kwaye ngokuqeqesho *lwabefundisi ntsapho nabalawuli bemfundo*;
  - (v) qinisekisa ngokuthathwa kwenxaxheba *koluntu* ngokubanzi kuphuhliso lomgaqo *wemfundo* kunye nokumelwa ngabadlali ndima kurhulumento lwazo zonke iinkalo zenkqubo *yemfundo*.

[Icandelo (loku-1) lisetyenziswe kwicandelo lesi-3 loMthetho wesi-7 wama-2010.]

(2) *INtloko yeSebe* iya kuthatha amanyathelo xa kuyimfuneko ukwenza umgaqo nkqubo usebenze ukuze umiselwe ngu*Mphathiswa wePhondo*.

[Icandelwana (lesi-2) lihlonyelwe ngecandelo lama-27 loMthetho wesi-7 wama-2010.]

### **Imisebenzi ngokubanzi yoMphathiswa wePhondo**

4. (1) Ukongeze kweminye imisebenzi eyabelwe kuye phantsi kulo *Mthetho, uMphathiswa wePhondo* anga, ngaphandle kwemali eyabelwe le njongo yi*Palamente yePhondo*—

- (a) misela kwaye agcine *ihostele zesikolo sikarhulumente* and maintain *hostels for public schools*;

[Umhlathi (b) ucinywe ngecandelo lesi-3 loMthetho wesi-4 wama-2018.]

- (c) bonelela ngezixhobo nokwakha izakhiwo ezinjalo njengoko ecinga ukuba kufanelekile okanye acebise ngolawulo lwamalungiselelo lwalo *Mthetho*.

(2) *UMphathiswa wePhondo* angathi, emva kothethwano *nebhunga lolawulo lesikolo sikarhulumente* esichaphazelekayo, ukuvala *ihostele* eyalathiswe kwicandelwana (1).

(3) Iziko lophuhliso nokuxhasa abathile okanye abafundi abanesiphiwo esimiselweyo okanye esibonelelwayo saphantsi kwawo nawuphi na umthetho orhoxiswe nguloMthetho, okanye ocingelwa ukuba umiselwe okanye ubonelelwe phantsi komthetho onjalo, kwaye uza ngaphambili *komhla omiselweyo* wawulawulwa kwaye uphethwe, uya ukususela kwalo mhla ucingelwe ukuba *sisikolo sikarhulumente* omiselwe okanye obonelelwe phantsi kweli candelo.

[Icandelo lesi-4 lihlonyelwe ngecandelo lama-27 loMthetho wesi-7 wama-2010.]

### **Igunya loMphathiswa wePhondo malunga namabhunga olawulo**

5. *UMphathiswa wePhondo* ngokwesaziso kwi*Phepha lombuso lePhondo*, angamisela ukuba amanye *amabhunga olawulo* angasebenzisa umsebenzi omnye okanye emininzi eyalathwe kwicandelo lama-21 loMthetho *weZikolo zaseMzantsi Afrika*, ngaphandle kokwenza isicelo ukuba—

- (a) wonelisekile ukuba *amabhunga olawulo* achaphazelekayo anawo amandla okusebenza lo msebenzi ngokufanelekileyo; kwaye

- (b) sikhona isiseko esinengqiqo nesifanelekileyo sokwenza oko.

[Icandelo lesi-5 lihlonyelwe ngecandelo lama-27 loMthetho wesi-7 wama-2010.]

### **Ukonyusa umgangatho wamabhunga olawulo**

6. *INtloko yeSebe* uya, ngaphandle kwemali eyabelwe le njongo yi*Palamente yePhondo*, isungule inkqubo ukukhuthaza ukufaneleka *kwamabhunga olawulo* ngokungqinelana necandelo le-19 loMthetho *weZikolo zaseMzantsi Afrika*.

[Icandelo lesi-6 lihlonyelwe ngecandelo lama-27 loMthetho wesi-7 wama-2010.]

### **Imisebenzi yeNtloko yeSebe ngokubanzi**

7. (1) Ukongeza kweminye imisebenzi eyabelwe i*Ntloko yeSebe* ngokumalunga nalo *Mthetho* kunye nomnye umthetho ofanele oko, anga—

- (a) zivuma iinkqubo zokufundiswa kunye nezokuqeqeshwa kwabafundi;

- (b) zivuma iinkqubo zokufundiswa kunye nokuqeqeshwa kwabafundi *abanezidingo zemfundo eyodwa*;

- (c) misela iimeko zolwamkelo kwiinkqubo ezinjalo zokufundisa nokuqeqesha, kunye novavanyo, ngokuhlola okanye kungenjalo, ngokusebenza kwemfundiso noqeqesho olunikezelwa ngokungqinelana nayo;
- (d) zivuma izifundo zolwamkelo lolungiselelo *lwemfundo*, kuquka *imfundo yabafundi abanezidingo zemfundo eyodwa*;
- (e) misela iimeko zokuvuma ukwamkelwa, kunye nesilabhasi yolo ludwe lwezifundo;
- (f) ngokuphathelele kuludwe lwezifundo ezinjalo—
- (i) yenza iimviwo ziqhubeke kwaye iziqinisekiso zikhutshelwe abafundi apaphumelele ezo mviwo; kwaye
- (ii) yenza ezinye iindlela ezivunyiweyo zovavanyo ziqhubeke;
- (g) yenza imithetho yoku—
- (i) qhubeka kweemviwo ngokwakwicandelwana (loku-1)(f)(i), ukuphathwa kwe, nemibuzo kwi, nemiphumela yo, yako nakuphi na ekunxa nomthetho ekuziphatheni kwezo mviwo, ukungeniswa kwabaviwa kwezo mviwo, ukuziphatha nokohlwaywa kwabaviwa phambi koko, ngexesha kunye nasemva kwezo mviwo, kunye nokukhutshwa kweziqinisekiso kwalathwe kuko kwelacandelwana; kuze
- (ii) kuqeshwe, kuqhutywe, kohlwaywe, amandla, imisebenzi neemfanelo zabavavanyi, abongameli beamviwo, abalindi (*invigilators*), abafaki manqaku kunye nabanye abantu abaneenkonzo zabo ziyimfunwko ngokunxulumene nokuqhutywa kwezo mviwo; kuze  
[Umhlathana. (ii) usetyenziswe endaweni ka s.wesi-4(a) woMthetho wesi-7 wama-2010.]
- (iii) ulawulo nokuqhuba kovavanyo olusekwe *esikolweni*; kunye
- (iv) nomgangatho oqinisekiso kazwelonke, wephondo okanye lweemvavanyo ezenziwa *esikolweni*.  
[Umhlathana (iii) kunye (iv) udityaniswe ngecandelo lesi-4(b) loMthetho wesi-7 wama-2010.]
- (h) kwenziwe amalungiselelo eemviwo *zabafundi* nabasebenzi ngokwezonyango, zokwasengqondweni okanye zamazinyo kwizikolo *zikhulumente* kunye *nakwiihostele*.
- (2) Iinkqubo ezahlukileyo kunye noludwe lwezifundo zingaphuculwa okanye zimiselwe, njengoko kunokuba njalo, phantsi kwecandelwana (loku-1) ngokuphathelele kwizikolo *zikhulumente* ezahlukileyo.
- [Icandelo 7A lifakwe kwicandelo lesi-5 loMthetho wesi-7 wama-2010 laza larhoxiswa ngecandelo lesi-4 loMthetho wesi-4 wama-2018.]

### **Igunya leNtloko yeSebe malunga namabhunga olawulo**

- 8.** (1) Ngokuxhomekeka kulo *Mthetho*, *ibhunga lolawulo* lingafaka isicelo kwiNtloko yeSebe ngembalelwano ukuze yabelwe nayiphi na imisebenzi elandelayo:
- (a) ukugcina nokuphucula ipropati *yesikolo*, kunye nezakhiwo kunye nemihlaba eme *isikolo*, kuquka *ihostele zesikolo*, ukuba kufanelekile;
- (b) ukumisela ikharikyulam yemisebenzi ngaphandle kwesikolo kunye nasekuzikhetheleni isifundo osifunayo ngokomgaqo nkqubo wekharikyulam yephondo;
- (c) ukuthenga iincwadi ezisetyenziswa esikolweni, izixhobo zokufunda okanye izixhobo *zesikolo*;
- (d) ukuhlawula iinkonzo *esikolweni*; okanye
- (e) eminye imisebenzi ivumelana nalo *Mthetho* kunye nawo nawuphi na umthetho ofanelekileyo ephondweni.
- (2) *INtloko yeSebe* ingangasivumi isicelo ngokuchazwe kwicandelwanale (loku-1), kuphela xa *ibhunga lolawulo* elichaphazelekayo lingenawo amandla okuwenza lo msebenzi ngokufanelekileyo.
- (3) *INtloko yeSebe* ingasivuma isicelo esinjalo ngaphandle kwemiqathango okanye ngokuxhomekeka kwiimeko ezithile.
- (4) *Isigqibo seNtloko yeSebe* kwisicelo esinjalo kufuneka sihanjisiwe ngembalelwano kwibhunga lolawulo ochaphazelekayo, sinika izizathu.
- (5) *INtloko yeSebe* ingathi, ngezizathu ezifanelekileyo, irhoxise umsebenzi *webhunga lolawulo*.
- (6) *INtloko yeSebe* ingangathathi manyathelo phantsi kwecandelwana (lesi-5), ngaphandle kokuba—
- (a) ilazisile *ibhunga lolawulo* ngenjongo zakhe ukuze kuthathwe amanyathelo nezizathu ngapha koko;
- (b) ilinike *ibhunga lolawulo* ithuba elifanelekileyo lokwenza izimvo kuye esinxulumene neenjongo ezinjalo; kwaye
- (c) iyinike ingqwalasela efunekayo kuwo naziphi na izimvo ezifunyenweyo
- (7) Kwiimeko zongxamiseko, *iNtloko yeSebe* ingathatha amanyathelo ngokwecandelwana (lesi-5), ngaphandle kokuqala inxibelelane kwelobhunga lolawulo, ukuba iNtloko yeSebe emva koko—
- (a) inika izizathu zezenzo zakhe kwibhunga lolawulo;
- (b) inika *ibhunga lolawulo* ithuba elifanelekileyo lokwenza uluvo olumalunga nezenzo ezinjalo; kunye

(c) nokuthathela ingqalelo nayiphi na imizekelo efunyenweyo.

(8) *INTloko yeSebe* ingathi, ngezizathu ezaneleyo, isijike okanye isixhome isenzo sakhe ngokwecandelwana (lesi-7).

(9) Nawuphi na umntu ohlungiswe sisigqibo se*Ntloko yeSebe* ngokumalunga necandelo, angabhena ku*Mphathiswa wePhondo* asiphikise isigqibo.

[Icandelwana (le-9) lihlonyelwe ngecandelo lama-27 loMthetho wesi-7 wama-2010.]

(10) *INTloko yeSebe* kufuneka iqinisekise ukuba *iinqununu* kunye namanye *amagosa eSebe leMfundo yeNtshona Kapa* abonelele ngoncedo kumabhunga *olawulo* ekwenzeni imisebenzi yabo ngokwalo*Mthetho*.”

### Ukuthengwa kwempahla neenkonz

**8A.** Nangona icandelo lesi-8(1)(a), (c) kunye (d) kunye necandelo lesi-8(2) okanye nawuphi na umthetho onxaxhayo, *iNtloko yeSebe* ingathi, emva kothethathethwano *nebhunga lolawulo* ochazwe kwicandelo lesi-8(1)(a), (c) kunye (d), ithenge impahla neenkonz malunga nemfundo kwiphondo ukuba ubona kungumdlawemfundo *kwiphondo*, kuquka ubuhle, ukufaneleka kunye nokusebenzisa uqoqosho lwemali.

[Icandelo 8A lifakwe kwicandelo lesi-5 loMthetho wesi-4 wama-2018.]

### Utyelelo novavanyo lwezikolo kunye neehostele

**9.** *INTloko yeSebe* ingathi, nokokuba yimeko eqhelekileyo okanye ethile, agunyazise, ngembalelwano, umntu omakatyelele kwaye avavanye *isikolo* okanye *ihostele*, emva kothethathethwano *nenqununu yesikolo*, ngenjongo yo—

(a) kuvavanya indlela yokusebenza ngokungqinelana nezithethe nemigangatho kazwelonke kunye neyephondo;

(b) kubeka iliso kuthotyelo nezithethe nemigangatho kazwelonke neyephondo.

[Icandelo le-9 lisetyenziswe kwicandelo lesi-6 loMthetho wesi-7 wama-2010.]

### Ukubeka iliso nokunika inkxaso kuhanjiso lwekharithulam

**9A.**(1) *INTloko yeSebe, umlawuli wesithili, inqununu yesikolo sikarhulumente* okanye ummeli ogunyazisiweyo *weqabane elisebenzayo obusebenzayo* ngokumalunga nesikolo *sikarhulumente* apho imisebenzi yabo inxulumene nokuqhutywa kobeko liso kunye nenkxaso yokuhanjiswa kwekharithulam *ngabefundisi ntsapho* egumbini lokufunda lesikolo *sikarhulumente*, okanye angathi agunyazise ubeko liso nenkxaso enjalo ngokuthi,—

(a) *umcebisi wesifundo*;

(b) *usekela nqununu*;

(c) *intloko yesebe*; okanye

(d) *intloko yesifundo*.

(2) *INTloko yeSebe, umlawuli wesithili, umlawuli wesekele* ukuba ugunyaziswe ukwenza oko ngumlawuli *wesithili*, okanye ummeli ogunyazisiweyo *wehlakani elisebenzayo*, angathi aqhube ubeko liso nenkxaso yokuhanjiswa kwekharithulam *yinqununu yesikolo sikarhulumente*.

(3) *INTloko yeSebe* ingathi ibeke imithetho yokubeka iliso kunye nenkxaso ngokumalunga neli candelo.

[Icandelo 9A lifakwe kwicandelo lesi-6 loMthetho wesi-4 wama-2018.]

### Ukuqeshwa kwamagosa okuzimasa isikolo

**10.** (1) *INTloko yeSebe* ingaqesha igosa *lokuzimasa isikolo* ukwenza amalungiselelo ngempumelelo yecandelo lesi-3 (5) ne (lesi-6) lo*Mthetho weZikolo zaseMzantsi Afrika*.

[Icandelwana (loku-1) lihlonyelwe ngecandelo lama-27 loMthetho wesi-7 wama-2010.]

(2) *Igosa lokuzimasa isikolo* liya kubonelela ngesiqinisekiso, esityikitywe yi*Ntloko yeSebe*, libhengeza ukuba uqeshwe njengegosa *lokuzimasa isikolo* phantsi kweli candelo.

### Ukusekwa nokusebenza kweBhunga leMfundo

**11.** (1) Kusekwe i*Bhunga leMfundo* elaziwa ngokuba li*Bhunga leMfundo laseNtshona Kapa*.

(2) *IBhunga leMfundo* liya—

(a) kucebisa u*Mphathiswa wePhondo* kunye ne*Sebe leMfundo yeNtshona Kapa* malunga nemicimbi ephathelele kwimfundo, kuquka imithetho kunye nemimiselo, emakubhekiswe kuyo ngu*Mphathiswa wePhondo* okanye ukuba i*Sebe* okanye apho i*Bhunga leMfundo* linqwenela ukuba kunikwe ingqwalasela ngu*Mphathiswa wePhondo* okanye ukuba i*Sebe*; lize

- (b) lenze eminye imisebenzi njengokuba yabelwe kulo phantsi okanye nguloMthetho okanye nawuphina umthetho.
- (3) *UMphathiswa wePhondo* angamisela imimiselo ngokunxulumene ne—
- (a) neendidi, icategories, iincwadi zeziqinisekiso kunye nexesha le-ofisi kwamalungu e*Bhunga leMfundo*;
- (b) nokuvala izikhewu zomsebenzi kunye nokususa amalungu;
- (c) ukuqesha kunye nemisebenzi yekomiti ephumezayo ye*Bhunga leMfundo*;
- (d) nowuphi na umba odinga ulawulo olululo kunye nokusebenza kwe*Bhunga leMfundo*.
- (4) *IBhunga leMfundo* liya kuba—
- (a) nosihlalo nesekele likasihlalo elonyulwe ngu*Mphathiswa wePhondo*;
- (b) inani elimiselweyo lamagosa elityunjelwe yiNtloko yeSebe kubasebenzi bakhe;  
[Umhlathi (b) usetyenziswe kwicandelo le-7(a) loMthetho wesi-4 wama-2018.]
- (c) inani elimisiweyo labantu abalathwe ngu*Mphathiswa wePhondo* kwabatyunjwa abamiselwe ngendlela kwindidi ezininzi ezibhekisele kwicandelwana (lesi-3)(a).
- (5) Isenzo se*Bhunga leMfundo* alinakungasebenzi kuphela ngesizathu sesithuba kwi*Bhunga*.
- (6) Ilungu le*Bhunga leMfundo* elingaqeshwanga isigxina nguRhulumente lingahlawulwa, kwimali eyabelwe le njongo yi*Palamente yePhondo*, enje ngemali yesibonelelo njengoko u*Mphathiswa wePhondo* enokwenza, ngokwesivumelwano sentloko yezemali, emiselweyo.  
[Icandelwana (lesi-6) lihlonyelwe ngecandelo lama-27 loMthetho wesi-7 wama-2010.]
- (7) Imisebenzi yolawulo lwe*Bhunga leMfundo* iya kwenziwa ngamagosa eSebe le*Mfundo yeNtshona Kapa*.
- (8) *IBhunga leMfundo* liya kumisela imithetho yalo yokulawula iintlanganiso neenkqubo kwezo ntlanganiso, kuxhomekeka kwimimiselo.
- (9)(a) *IBhunga leMfundo* kufuneka libonelele u*Mphathiswa wePhondo* ngengxelo yezindululo.
- (b) *UMphathiswa wePhondo* kufuneka ayinike ingqwalasela ingxelo yezindululo kwaye amazise usihlalo we*Bhunga leMfundo*.  
[Icandelo le-11 lisetyenziswe kwicandelo lesi-7 loMthetho wesi-7 wama-2010.]  
[Icandelwana (le-9) longezwe ngecandelo lesi-7(b) loMthetho wesi-4 wama-2018.]

#### Ukumiselwa kweGunya loVavanyo lweZikolo

- 11A.** (1) *UMphathiswa wePhondo* angamisela igunya lovavanyo, eliya kwaziwa ngokuba liGunya loVavanyo lweZikolo zeNtshona Kapa, ukuqhuba iimvavanyo ezizimeleyo zesikolo.
- (2) *UMphathiswa wePhondo* angaqesha kwi*Gunya loVavanyo lweZikolo uMvavanyi oyiNtloko wezikolo*.
- (3) *UMvavanyi oyiNtloko* uyakuqeshwa isithuba seminyaka eminye esingahlaziywayo.
- (4) *UMvavanyi oyiNtloko* angonyula i*Gunya loVavanyo lweZikolo*—
- (a) *UMvavanyi oKhokelayo wezikolo*; kunye
- (b) *Abavavanyi bezikolo*.  
[Icandelo le-11A lifakwe kwicandelo lesi- 8 loMthetho wesi-4 wama-2018.]

#### Ilungelo lokuqeshwa njengoMvavanyi oyiNtloko, uMvavanyi oKhokelayo okanye uMvavanyi

- 11B.** Ukuze ubenelungelo lokuqeshwa njengoMvavanyi oyiNtloko, uMvavanyi oKhokelayo okanye umntu oVavanyayo uya—
- (a) kuba ngummi weRiphabliki;
- (b) kuba ngongemntu ongenako ukuhlawula amatyala akhe;
- (c) ngongazange nangaliphi na ixesha agwetyelwe—
- (i) ukophula umthetho apho waye wagwetyelwa ijele ngaphandle kokunikwa intlawulo;
- (ii) ukophula umthetho ngokwezesondo ngokuhlukumeza umntwana; okanye
- (iii) ubusela, ubuqhetseba, inkohliso, ukusebenzisa imali yobuxoki ngenkohliso yexwebhu, isifungo sobuxoki, naluphi na ulwaphulo mthetho ngokumalunga noThintelo kunye Nomlo woMthetho weMisebenzi yoRhwaphezulu, wama-2004 (uMthetho we-12 wama-2004), okanye naluphi na ulwaphulo mthetho apho ukungathembeki iyinxalenye yoko; and
- (d) ukuba nolwazi olufanelekileyo okanye amava kwimfundo nakulawulo lwesikolo.  
[Icandelo 11B lifakwe kwicandelo lesi-8 loMthetho wesi-4 wama-2018.]

#### Ukususwa e-ofisini

- 11C.** (1) *UMphathiswa wePhondo* angamsusa e-ofisini uMvavanyi oyiNtloko, emva kokulandela iinkqubo ezithile—
- (a) ukuba akasahlangabezani nemigomo afanele ukuyilandela njengoko kuchaziwe kwicandelo 11B; okanye

- (b) kuzo nazo naziphi na izizathu ezivakalayo, kuquka ukungaziphathi kakuhle, ukungabinakho okanye ukungafaneleki.
- (2) *UMvavanyi oyiNtloko* angamsusa e-ofisini u*Mvavanyi oKhokelayo* okanye u*Mvavanyi*, emva kokulandela iinkqubo ezithile—
- (a) ukuba akasahlangabezani nemigomo afanele ukuyilandela njengoko kuchaziwe kwicandelo 11B; okanye
- (b) kuzo nazo naziphi na izizathu ezivakalayo, kuquka ukungaziphathi kakuhle, ukungabinakho okanye ukungafaneleki.
- [Icandelo 11C lifakwe kwicandelo lesi-8 loMthetho wesi-4 wama-2018.]

### Imisebenzi yeGunya loVavanyo lweZikolo

- 11D.** (1) *UMvavanyi oyiNtloko* uyakuhlala emazisa uMphathiswa wePhondo ngendlela emiselweyo yoku kulandelayo kwezikolo:
- (a) umgangatho wemfundo obonelelwa ezikolweni;
- (b) ubungakanani apho imfundo esikolweni ihlangabezana nezidingo ezahlukeneyo zabafundi ngosondelelwano;
- (c) umgangatho wemfundo ufezekiswe esikolweni;
- (d) umgangatho wobunkokheli nolawulo esikolweni;
- (e) izixhobo zemali zenziwe zifumaneke esikolweni kwaye zilawulwe ngoqoqosho, olusebenzayo nolufanelekileyo;
- (f) ubungakanani apho isikolo siphuhlisa iinkqubo zangaphakathi zokuzivavanya ngokwezicwangciso zophuhliso lwesikolo;
- (g) ukhuseleko, ukuziphatha nokuhamba isikolo kwabafundi nabasebenzi esikolweni;
- (h) uphuhliso lwentlalo nenkcubeko yabafundi esikolweni;
- (i) ulawulo lokwenziwa komsebenzi kunye nophuhliso lwabafundisi *ntsapho*; kunye
- (j) nobudlelwane phakathi kwabazali, uluntu kunye nesikolo.
- (2) Ekubhalweni kwesicelo nguMphathiswa wePhondo, u*Mvavanyi oyiNtloko* uya—
- (a) kucebisa uMphathiswa wePhondo nakuyiphi na imicimbi echaziweyo kwisicelo; aze
- (b) avavanye anike ingxelo ngesikolo, okanye igumbi lokufundela esikolweni, ngokuchaziweyo kwisicelo.
- (3) *UMvavanyi oyiNtloko* uya kuhlenganisa aze apapashe ingxelo njengoko kumiselwe, eyakuthi iquke amava ngokuphandiweyo aze, apho kufanelekileyo, anike izindululo zophuhliso.
- (4) *UMvavanyi oyiNtloko*, u*Mvavanyi oKhokelayo* okanye u*Mvavanyi* bangathi—
- (a) kwiintsuku ezimbini zesikolo babhalele kumlawuli wesithili, inqununu nakwibhunga lolawulo, isaziso sokufumana ufikelelo ukuze bavavanye isikolo kunye naliphi na igumbi lokufundela esikolweni, balolonge izifundo baze baqokelele ubungqina bokwenza izindululo;
- (b) kwiintsuku ezimbini zesikolo babhalele isaziso, sokuqhuba udliwano ndlebe nebhunga lolawulo lalo naliphi na ilungu ngapha koko, igosa leSebe, ilungu labasebenzi lesikolo, umfundi okanye umzali;
- (c) ngenise isicelo esibhaliweyo soxwebhu kwinqununu yesikolo;
- (d) ngaphandle kwesaziso, ngena esikolweni uze uthathe iirekhodi zemali, iingxelo kunye namaxwebhu, nokokuba kungoluphi na uhlobo okanye indlela, ukuba uno/une—
- (i) *luvo lokuqala (prima facie)* lobungqina bokungalawuli kakuhle imali esikolweni; kwaye
- (ii) azizathu zesikrokro sokuba iirekhodi kunye namaxwebhu azakuba efihliwe, etshatyalalisiwe okanye ubungqina bubhucabhucawe ngesaziso ukuba sinikiwe; uze
- (e) nangaliphi na ixesha kwenziwe izindululo kuMphathiswa wePhondo kuwo nakuwuphi na umba ochaphazela isikolo.
- (5) Amandla achazwe kwicandelwana (lesi-4)(a) kunye (b) angasetyenzisa ngaphandle kwesaziso ukuba u*Mvavanyi oyiNtloko* unezizathu ezibambekayo zokukholelwa ukuba oku kuyimfuneko ekwenzeni imisebenzi yeGunya loVavanyo lweZikolo.
- (6)(a) *UMphathiswa wePhondo* angathi, emva kothethathethwano no*Mvavanyi oyiNtloko*, amgunyazise ukuze enze imisebenzi eyongezelekileyo okanye amandla awongezelekileyo ukuba uMphathiswa wePhondo unesizathu sokukholelwa ukuba—
- (i) *UMvavanyi oyiNtloko* unamandla okuyenza loo misebenzi yongezelekileyo okanye ukusebenzisa loo magunya ongezilelekileyo; kwaye
- (ii) kuya kuba semdleni woluntu wokuba u*Mvavanyi oyiNtloko* wenza oko.
- (b) *UMphathiswa wePhondo* angathi, emva kothethathethwano no*Mvavanyi oyiNtloko*, alirhoxise igunya elinekuwe u*Mvavanyi oyiNtloko* ngokomhlathi (a) ukuba uMphathiswa wePhondo unesizathu sokukholelwa ukuba—

- (i) *UMvavanyi oyiNtloko* akasenawo amandla okwenza la msebenzi wongezelelekileyo okanye asebenzise lamandla ongezelelekileyo; okanye
- (ii) Ikuyakuba semdleni woluntu ukuba u*Mphathiswa wePhondo* enze oko.
- (c) *UMphathiswa wePhondo* angathi, emva kothethwano no*Mvavanyi oyiNtloko*—
  - (i) akukhulule u*Mvavanyi oyiNtloko* ekwenzeni umsebenzi omiselwe licandelwana (loku-1); okanye
  - (ii) arhoxise amagunya anikwe u*Mvavanyi oyiNtloko*, u*Mvavanyi oKholelayo* okanye u*Mvavanyi ngokwecandelwana* (lesi-4).

[Icandelo 11D lifakwe kwicandelo lesi-8 loMthetho wesi-4 wama-2018.]

### Umvuzo kunye nezibonelelo

**11E.** *UMvavanyi oyiNtloko*, *aBavavanyi abaKholelayo* kunye na*Bavavanyi* uya kuhlawulwa umvuzo kunye nezibonelelo ezimiselwe ngu*Mphathiswa wePhondo* emva kothetha thethwano nentloko yezemali.

[Icandelo le-11E lifakwe kwicandelo lesi-8 loMthetho wesi-4 wama-2018.]

### Imisebenzi yeNtloko yeSebe leMfundo malunga neGunya loVavanyo lweZikolo

**11F.** (1) *INtloko yeSebe* iyakubonelela nge*Gunya loVavanyo lweZikolo* ngenkxaso nangezixhobo ezifanelekileyo ukwenza imisebenzi yazo, kuquka inkxaso yolawulo nangenkxaso yezibonelelo ezisisiseko.

(2) *INtloko yeSebe* iyakwanyula amagosa e*Sebe leMfundo yeNtshona Kapa* ukubonelela ngenkxaso yolawulo lwe*Gunya loVavanyo lweZikolo* njengoko kuchaziwe kwicandelwana (loku-1).

(3) *INtloko yeSebe* liyakuthathela ingqalelo iziphumo zophando kunye nezindululo ezibhekise kwicandelo le-11D(lesi-3) kunye nokuphumeza amanyathelo afanelekileyo ukuququzelela impucuko.

[Icandelo 11F lifakwe kwicandelo lesi-8 loMthetho wesi-4 wama-2018.]

### Ukupheliswa

**11G.** (1) *UMphathiswa wePhondo* angaliphelisa i*Gunya yoVavanyo lweZikolo* ukususela kumhla wokumiselwa ngu*Mphathiswa wePhondo* ukuba i*Gunya loVavanyo lwePhondo* liyasilela ukwenza imisebenzi yalo ngendlala ekholisayo, ayisasebenzi, okanye yenza ngendlela engengomdla *wemfundo*.

(2) *UMphathiswa wePhondo* akanakusebenza phantsi kwecandelwana (loku-1) ngaphandle kokuba u—

- (a) nikwe isaziso esivakalayo kwi*Gunya loVavanyo lweZikolo* lenjongo zakhe zokwenza oko kunye nezizathu ngako oko;
- (b) nikwe i*Gunya loVavanyo lweZikolo* ithuba elifanelekileyo ukwenza izimvo kuye malunga nezenzo ezinjalo; kwaye
- (c) kunikwe nengqwalasela efanelekileyo kuzo naziphi na izimvo ezifunyenweyo.

[Icandelo 11G lifakwe kwicandelo lesi-8 loMthetho wesi-4 wama-2018.]

### Imigaqo emalunga neGunya loVavanyo lweZikolo

**11H.** *UMphathiswa wePhondo* angenza imigaqo kwi(i)/ku—

- (a) nkqubo zokuqesha u*Mvavanyi oyiNtloko*, *aBavavanyi abaKholelayo* na*Bavavanyi* kunye nokugcwalisa izithuba zemisebenzi;
- (b) mimiselo nemiqathango yokuqesha ko*Mvavanyi oyiNtloko*, *aBavavanyi abaKholelayo* kunye na*Bavavanyi*;
- (c) nkqubo zokususa u*Mvavanyi oyiNtloko*, *aBavavanyi abaKholelayo* kunye na*Bavavanyi*;
- (d) nkqubo zokusebenzisa amandla abhekisele kwicandelo 11D(lesi-4);
- (e) ndlela apho u*Mvavanyi oyiNtloko* uya kukwazisa u*Mphathiswa wePhondo* ngemiba ebekwe kwicandelo 11D(loku-1);
- (f) lungiselelo nakupapasho lweengxelo li*Gunya loVavanyo lweZikolo*; kunye
- (g) anawuphi na umba ongathi ufuneke okanye uncede ekumiseleni ukuze kufezekiswe iinjongo ze*Gunya loVavanyo lweZikolo*.

[Icandelo 11H lifakwe kwicandelo lesi-8 loMthetho wesi-4 wama-2018.]

## ISIAHLUKO SESI-3

## IZIKOLO ZIKARHULUMENTE

## Ukusekwa nokulondolozwa kwezikolo zikarhulumente

12. (1) *UMphathiswa wePhondo* angathi, ngaphandle kwemali eyabelwe le njongo yi*Palamente yePhondo*, aseke kwaye alondolozwe ezi zikolo zikarhulumente zilandelayo—

- (a) *izikolo zabasaqalayo*;
- (b) *izikolo zamabanga aphantsi*;
- (c) *izikolo zamabanga aphakamileyo*;
- (d) *izikolo zamabanga aphakathi*;
- (e) *izikolo ezidibeneyo*;
- (eA) *izikolo zokusebenzisana*;
- (eB) *izikolo zikarhulumente ezixhaswa ngemali*;  
[Umhlathi (eA) kunye (eB) ufakwe kwicandelo le-9 loMthetho wesi-4 wama-2018.]
- (f) *izikolo zabafundi abanezidingo zemfundo eyodwa*; kunye
- (g) nalo naliphi na uhlobo lwesikolo apho acinga ukuba lufanele *imfundo*.  
[Icandelo (loku-1) ulungiswe ngecandelo lama-27 loMthetho wesi-7 wama-2010.]

(2) Iintlobo zezikolo ezilandelayo—

- (a) *isikolo sabaqalayo*;
- (b) *isikolo samabanga aphantsi*;
- (c) *isikolo samabanga aphakamileyo*, *isikolo esiphakamileyo*, *isikolo sokufundela*, *isikolo sezolimo* kunye *nesikolo* apho imfundo ibonelelwa naluphi na urhwebo, ubuchwephetsha kwezorhwebo, ezolimo, inzululwazi ngezekhaya, umsebenzi wasekhaya okanye nasiphi na isikhokelo somsebenzi;
- (d) *isikolo samabanga aphakathi*;
- (e) *isikolo esidibeneyo*;
- (f) *isikolo semfundo eyodwa*, *isikolo esisodwa*, ekhaya, amaziko abafundi abakhubazeke ngengqondo *nezikolo zezakhono*;
- (g) *isikolo semizi-mveliso*; okanye
- (h) *isikolo sokubumba*,

Ezisekwe okanye zakhiwa ngokumalunga nomthetho orhoxiswe ngu*loMthetho*, okanye ekucingelwa ukuba wakhiwe ngokumalunga nomthetho onjalo, nothe waphathwa waza walawulwa lisebe ekubhekiswa kulo kumthetho kwangoko kumhla *omiselweyo*, uya kuqala ukusuka ngalo mhla kucingelwa ukuba—

- (i) *isikolo sabasaqalayo*;
- (ii) *isikolo samabanga aphantsi*;
- (iii) *isikolo samabanga aphakamileyo*;
- (iv) *isikolo samabanga aphakathi*;
- (v) *isikolo esidibeneyo*; okanye
- (vi) *isikolo sabafundi abanezidingo zemfundo eyodwa*,

zisekwe phantsi kweli candelo.

(3) Amalungiselelo otshintsho

- (a) Nasiphi na *isikolo* esasekwa okanye kwacingelwa ukuba sisekwe phantsi kwawo nawuphi na umthetho olawula imfundo yesikolo kw*iphondo* othe wakhona kwamsinyane nje phambi kokuqala kw*loMthetho* ngaphandle kwesikolo sabucala ekubhekiswa kuso kwicandelo lama-38, ecingelwa ukuba *sisikolo sikarhulumente*;
- (b) Ii-asethi neemfanelo ezigunyasiswe *esikolweni* okuchazwe kwicandelwana (lesi-2) kwamsinyane nje phambi kokuba uqale loMthetho, egunyaziswa *sisikolo sikarhulumente* esichaphazelekayo;
- (c) Imali nezinye ii-asethi ezishenxiswayo ezinokusetyenziswa, ezigcinelwe okanye egameni *lesikolo* esichazwe kwicandelwana (lesi-3) (a) ongokwasemthethweni yipropati kaRhulumente, kuhlale kukokwasesikolweni, kwaye kugqithiselwa esikolweni kusuka kumhla omiswe ngesaziso kwi*Phepha ndaba loMbuso*; kunye
- (d) Npropati engashenxiswayo *yesikolo* esichazwe kwicandelwana (lesi-3) (a) kugqithiselwe kuRhulumente ngomhla omiselwe ngu*Mphathiswa kaZwelonke* ngesaziso kwi*Phepha loMbuso* ngokumalunga necandelo lama-55 loMthetho we*Zikolo zaseMzantsi Afrika*.

(4) *UMphathiswa wePhondo* angathi, nangona kunokwenzeka, apho kunokwenzeka khona, abonelele ngemfundo yabafundi abanezidingo zemfundo eyodwa kwizikolo zikarhulumente eziqhelekileyo aze abonelele ngeenkonzo zenkxaso yemfundo efanelekileyo yabafundi abanjalo.

[Icandelo le-12 lihlonyelwe ngecandelo lama-27 loMthetho wesi-7 wama-2010.]

### Ukudityaniswa kwezikolo zikarhulumente

**12A.** (1) Ngokuxhomekeka kwelicandelwana (lesi-2), uMphathiswa wePhondo angathi, ngokukhupha isaziso kwiPhepha ndaba loMbuso, lidibanisa izikolo zikarhulumente ezibini nangaphezulu zibe sisikolo esinye.

(2) Phambi kokuba kudityaniswa izikolo zikarhulumente ezibini nangaphezulu uMphathiswa wePhondo uya—

- (a) kunika isaziso esibhaliweyo kwizikolo esichaphazelekayo ngenjongo zokuzidibanisa;
- (b) kupapasha isaziso esinika izizathu sokudibana okucekwayo kwiphepha ndaba elinye okanye amaninzi ahanjiswa endaweni apho izikolo ezichaphazelekayo zikhoyo;
- (c) kunika amabhunga olawulo ezikolo ezichaphazelekayo kunye nabanye abantu abanomdla ithuba lokuveza izimvo kwisithuba esingekho ngaphantsi kweentsuku ezingama-90 ukusuka kumhla wesaziso ekubhekiswa kuso emhlathi (b);
- (d) kunika ingqwalasela ezo zimvo; aze
- (e) aneliseke ukuba abaqeshi babasebenzi kwizikolo zikarhulumente baluthobele uxanduva lwabo ngokomthetho wabasebenzi osebenzayo.

(3) Ukuba sinye okanye zininzi izikolo ezizakudityaniswa ngokwecandelwana (loku-1) zizikolo zikarhulumente kumhlaba wabucala, uMphathiswa wePhondo kanaanalo uya—

- (a) kumazisa umnikazi womhlaba wabucala ngenjongo yakhe yokudibanisa izikolo ezichaphazelekayo;
- (b) kunika ingqwalasela naziphi iimbophelelo zekhonthakthi ngokwesivumelwano esichazwe kwicandelo le-14 loMthetho waZikolo zaseMzantsi Afrika;
- (c) kuguqula kunye naziphi na izibophelelo ngokwesivumelwano esikhoyo ukuba kuyimfuneko; kwaye
- (d) nokuthetha ngesivumelwano esitsha ngokwecandelo le-14 loMthetho weZikolo zaseMzantsi Afrika, ukuba isikolo esinye esichazwe kwicandelwana (loku-1) sime kumhlaba wabucala.

(4) Isikolo esinye esichazwe kwicandelwana (loku-1) siya kuthathwa njengesikolo sikarhulumente.

(5) Zonke ii-asethi, iimfanelo, amalungelo kunye nezibophelelo zezikolo ezidityanisiweyo, ziya, ngokuxhomekela kwiimeko zawo nawuphi na umnikelo, umyolelo okanye ilungelo lokugcina into yomnye umntu ngokuchazwe kwicandelo lama-37 (4) loMthetho weZikolo zaseMzantsi Afrika, kugqithiselwa kwisikolo esinye.

(6)(a) Amabhunga olawulo lwezikolo ezihlanganisiweyo aya kuba nentlanganiso phambi kokudibana ukuze kwakheke elinye ibhunga lolawulo lethutyana elinawo onke amalungu amabhunga olawulo achaphazelekayo.

(b) Ibhunga lolawulo lexeshana liya kugqiba kuhlalo lwabiwo mali kunye nakwimigaqo yokuziphatha kunye neefizi zesikolo, kwanayo nayiphi na imiba efanelekileyo kudityaniso okanye emiselweyo, kude kubekho ibhunga lolawulo elitsha ngendlela emiselwe ngalo phantsi kwecandelo lama-24.

[Umhlathi (b) ofakwe kwicandelo le-10 loMthetho wesi-4 wama-2018.]

(7) Ibhunga lolawulo lwesikolo sikarhulumente esiza kudityaniswa, singabhena kuMphathiswa kaZwelonke siphikisane nesigqibo njengoko kuchaziwe kwicandelwana (loku-1).

[Icandelo 12A lifakwe kwicandelo lesi-8 loMthetho wesi-7 wama-2010.]

### Ukuchongwa kwezikolo zikarhulumente eziqhuba kakubi

**12B.** (1) INTloko yeSebe iyakuthi, ngonyaka, kwingxelo echazwe kwicandelo 13A (loku-1) (b) nakwiingxelo ezifanelekileyo, lichonge naziphi na isikolo sikarhulumente esingaqhubi kakuhle ngokunxulumene nawo nawuphi na umba okubhekisele kwicandelwana (lesi-2) (a), (b) okanye (c).

(2) INTloko yeSebe iyakukhuphela isaziso esibhaliweyo isikolo esichaziweyo kwicandelwana (loku-1) ukuba lanelisekile ukuba—

- (a) umgangatho wokusebenza wabafundi ungaphantsi komgangatho omiselwe yiNngxelo yeKharikyulam kaZwelonke kwaye kubonakala ukuba izakuhlala injalo ngaphandle kokuba iNtloko yeSebe lingasebenzisa amandla alo ngokumalunga naloMthetho;
- (b) kubekho uqhawukano olumandla kwindlela isikolo esilawulwa nesiphethwe ngayo enomkhethe, okanye ukukhetha, umgangatho wokusebenza; okanye
- (c) ukhuseleko lwabafundi okanye abasebenzi boyikiswe.

(3) Isaziso esibhaliweyo esichazwe kwicandelwana (lesi-2) siya kwazisa isikolo ukuba siya—

- (a) kwintsuku ezili-14 emva kokuhanjiswa kwesaziso, phendula kwisaziso; size
- (b) ngokukhawuleza emva kwalo mpendulo, bonelela iNtloko yeSebe ngesicwangciso ukulungisa imeko.

(4) INTloko yeSebe iya kuthatha onke amanyathelo afanelekileyo ukuncedisa isikolo esichongiweyo ngokwakwicandelwana (loku-1) ukuqubisana nokungaqhubi kakuhle.

(5) Ngaphandle kokunciphisa uhlobo nobungakanani bamanyathelo achazwe kwicandelwana (lesi-4), iNtloko yeSebe iyakunika ingqwalasela—

- (a) ukuphumeza ikhowudi yokungasebenzi kunye neenkqubo zokwenza umsebenzi kakubi ekubhekiswe kuko kwicandelo le-16 loMthetho weNgqesho yabefundisi Ntsapho;
- (b) ukurhoxisa imisebenzi yebhunga lolawulo ngokwakwicandelo lesi-8 (lesi-5) laloMthetho; okanye

(c) ukuqesha umntu ngokwakwicandelo lama-25 loMthetho weZikolo zaseMzantsi Afrika, ukwenza imisebenzi yebhunga lolawulo.

(6) Ukucebisa *inqununu* njengoko kuchaziwe kwinqaku lesi-2(5)(b)(ii) leShedyuli yoku-1 kuMthetho weNgqesho yabefundisi ntsapho ungaquka ukuqeshwa komcebisi onemfundo ephakamileyo okanye kufakwe *inqununu* ukuze yenze imisebenzi ithathe noxanduva lwenqununu ngokwexesha elimiselweyo yiNtloko yeSebe.

(7) Ukuze incedise uMphathiswa kaZwelonke ekwenzeni imisebenzi yakhe ekubhekiswe kuyo kwicandelo lesi-8 loMthetho woMgaqo nkqubo wezeMfundo kaZwelonke, we-1996 (uMthetho wama-27 we-1996), uMphathiswa wePhondo uya kunika ingxelo kuMphathiswa kaZwelonke kwisithuba seenyanga ezintathu emva kokovalwa kwezikolo ukuphela konyaka kumanyatheo athathwe yiNtloko yeSebe malunga nokungaqhubi kakuhle kwesikolo sikarhulumente.

[Icandelo 12B lifakwe kwicandelo lesi-8 loMthetho wesi-7 wama-2010.]

## Izikolo ezisebenzisanayo

**12C.** (1) UMphathiswa wePhondo angachonga isikolo sikarhulumente esichaziweyo kwicandelo le- 12(1)(a) ukuya ku (f) ukubhengeza njengesikolo esisebenzisanayo ukuba wanelisekile ukuba eso sibhengezo siyakunika umdla kwimfundo esikolweni, ngokubhekisele kwingxelo efanelekileyo kwisikolo, kuquka iingxelo kwindlela yokusebenza kwesikolo.

(2) Ngokuxhomekeka kwicandelwana (loku-1), uMphathiswa wePhondo angathi, kwizindululo zeNtloko yeSebe, angene kwisivumelwano no/ne—

- (a) *mnikeli*;
- (b) *hlakani elisebenzayo*; kunye
- (c) *nebhunga lolawulo lwesikolo sikarhulumente*,

malunga nokuba isikolo sikarhulumente esikhoyo esichazwe kwicandelo lesi-12(1)(a) ukuya ku (f) sisaza kubhengezwa njengesikolo esisebenzisanayo.

(3) UMphathiswa wePhondo angathi, kwizindululo zeNtloko yeSebe, angene kwisivumelwano nomnikeli kunye nehlakani elisebenzayo ngokusekwa kwesikolo esisebenzisanayo ukuze kusekwe isikolo.

(4) Izivumelwano ezichazwe kumacandelwana (lesi-2) kunye ne (lesi-3) iyakuquka ubuncinci beemfuneko ezimiselwe nguMphathiswa wePhondo.

(5) Ekuququnjelweni kwisivumelwano esichazwe kwicandelwana (lesi-2), uMphathiswa wePhondo angathi, ngesaziso kwiPhepha ndaba loMbuso, abhengeze isikolo sikarhulumente esichaphazelekayo esizakuba sisikolo esisebenzisanayo.

(6) UMphathiswa wePhondo angangasenzi isibhengezo esichazwe kwicandelwana (lesi-5) ngaphandle kokuba ubiziwe ukuba enze izimvo zoluntu ngokuphathelele kwisibhengezo ekujongwe kuso aze anike ingqwalasela efanelekileyo kuzo nakwezinye na izimvo ezifunyenweyo.

(7) Ukuba isivumelwano nehlakani elisebenzayo okanye umnikeli ochazwe kwicandelwana (lesi-2)(a) okanye (b) okanye icandelwana (lesi-3) siphelisiwe, uMphathiswa wePhondo angathi, kwizindululo seNtloko yeSebe, angene kwisivumelwano nehlakani elisebenzayo okanye nomnikeli omtsha, njengoko kunokuba njalo, kwaye isikolo singayigcina imeko yaso njengesikolo esisebenzisanayo.

(8) Ukuba isivumelwano esitsha akungenwanga kuso njengokuba kuchaziwe kwicandelwana (lesi-7)—

- (a) isikolo esichaphazelekayo siyakupheliswa ukuba sibesisikolo esisebenzisanayo;
- (b) UMphathi wePhondo uyakuthi, ngesaziso kwiPhepha ndaba loMbuso, abhengeze isikolo esiluhlobo olufanelekileyo lwesikolo sikarhulumente esichazwe kwicandelo le-12(lesi-1)(a) ukuya ku (f); kwaye
- (c) *ibhunga lolawulo* elitsha liyakwenziwa ngendlela emiselweyo.

(9) Ubulungu bebhunga lolawulo lwesikolo esisebenzisanayo siyakuquka ama-50 eepesenti abameli behlakani elisebenzayo, namalungelo okuvota, kunye nama-50 eepesenti amanye amalungu ebhunga lolawulo, namalungelo okuvota: Kuxhomekeka ukuba uMphathiswa wePhondo angathi, ngesenzo esihle esibonisiweyo, abhengeze ukuba ibhunga lolawulo lwesikolo esisebenzisanayo esithile siyakuquka ngaphezulu kwama-50 eepesenti zamanye amalungu ebhunga lolawulo namalungelo okuvota.

(10) Kwimeko apho ukulingana kweevoti kwintlanganiso yebhunga lolawulo lwesikolo esisebenzisanayo apho ihlakani elisebenzayo namalungelo okuvota liquka ama-50 eepesenti zelo bhunga lolawulo, umba kufuneka limiselwe sisininzi sevoti kwintlanganiso eqhelekileyo yabazali abakhoyo nabavotayo.

(11) ISebe leMfundo yeNtshona Kapa kufuneka likhusele ingqesho yabefundisi ntsapho kunye nabo bangengobafundisi ntsapho abathi, ngexesha lesibhengezo sesikolo esisebenzisanayo ngokumalunga necandelwana (lesi-5), baqeshwe esikolweni kwizithuba zemisebenzi esekwe ngokumalunga noMthetho weNgqesho yabefundisi Ntsapho, okanye uMthetho weNkonzo yoLuntu, we-1994 (iSaziso se-103 se-1994), ngokungqinelana neemeko zengqesho ezisentyenziswa kwezo zithuba zemisebenzi ukuba nje abo bafundisi ntsapho kunye nabo bangengobafundisi ntsapho bangahlala kwezo zithuba.

(12) Ngokuxhomekeka kuMthetho woLawulo lwezeMali yoLuntu, we-1999 (uMthetho woku-1 we-1999), iSebe leMfundo yaseNtshona Kapa lingathi lenze udluliselo lweentlawulo kwisikolo esisebenzisanayo okulingana nemali efunekayo kwinkxaso yemali—

- (a) isithuba somsebenzi ochazwe kwicandelwana (le-11) esithe savuleka;
- (b) izithuba zomsebenzi ezitsha zimiselwe yiNtloko yeSebe zeza—
  - (i) bafundisi ntsapho ngokumalunga necandelo lesi-5(lesi-2) loMthetho weNgqesho yabefundisi Ntsapho;
  - (ii) bangengobafundisi ntsapho ngokumalunga Nezithethe Nemigangatho yeSebe leMfundo yaseNtshona Kapa ngoLungiselelo lweNkxaso yaBasebenzi kwiZikolo zikaRhulumente eziQhelekileyo, kuxhomekeka kwizixhobo ezifumanekayo zeSebe leMfundo yaseNtshona Koloni.

(13) Ngokuxhomekeka kwimimiselo echazwe kwicandelwana (le-17)(b), ibhunga lolawulo lwesikolo esisebenzisanayo lingathi, kwimali echazwe kwicandelwana (le-12), liqashe abefundisi ntsapho kunye nabo bangengabefundisi ntsapho ngokungqinelana nokusekwa kwabasebenzi, kunye nemimiselo nemigqaliselo yengqesho, emiselwe libhunga lolawulo.

(14) isikolo esisebenzisanayo siya kuba ngumqeshi wabefundisi ntsapho kunye nabangengobafundisi ntsapho okuchazwe kwicandelwana (le-13).

(15) Ingqesho yabefundisi ntsapho kunye nabangengobafundisi ntsapho libhunga lolawulo okuchazwe kwicandelwana (le-13) ixhomekeke kuMthetho woBudlelwane bezaBasebenzi, we-1995, kunye neMigaqo esisiseko yoMthetho weNgqesho, we-1997 (uMthetho wama-75 we-1997);

(16) Nangona icandelo lama-60 loMthetho weZikolo zaseMzantsi Afrika, uRhulumente akanaxanduva lwawo nawuphi na umthetho okanye ukushiywa sisikolo esisebenzisanayo ngokunxulumene noxanduva lwesivumelwano njengomqeshi ngokuphathelele kubasebenzi abaqeshwe ngokumalunga necandelwana (le-13).

(17) UMphathiswa wePhondo kufuneka enze imimiselo malunga—

- (a) nodluliselo lwentlawulo echazwe kwicandelwana (le-12); kunye
- (b) nokusetyenziswa kwemali libhunga lolawulo ngeenjongo ezichazwe kwicandelwana (le-13),

kodwa imimiselo enjalo ingangatolikelwa ukwenza uRhulumente abengumqeshi wendibano wabasebenzi abanjalo.

(18) Londolozwa njengoko kubonelelwe ngako kweli candelo, amalungiselelo aloMthetho kunye nawo nawuphi umthetho osebenzayo omisela izikolo zikarhulumente usetyenziswe kwizikolo ezisebenzisanayo.

[Icandelo 12C lifakwe kwicandelo le-11 loMthetho wesi-4 wama-2018.]

## Izikolo zikarhulumente ezifumana inkxaso mali

**12D.** (1) UMphathiswa wePhondo angathi angene kwisivumelwano no/ne—

- (a) mnikeli; kunye
- (b) nebhunga lolawulo lesikolo sikarhulumente,

Ngokumalunga apho isikolo sikarhulumente esikhoyo sichazwe kwicandelo le-12(loku-1)(a) ukuya (f) isizakubhengeza isikolo sikarhulumente esifumana inkxaso mali, kuxhomekeka ukuba uMphathiswa wePhondo wanelisekile ukuba isibhengezo esinjalo siya kubangumdlala wemfundo esikolweni.

(2) UMphathiswa wePhondo angangena kwisivumelwano nomnikeli sokuqala isikolo esitsha sikarhulumente ofumana inkxaso mali nokumisela isikolo.

(3) Izivumelwano ezichazwe kwicandelwana (loku-1) kunye (nelesi-2) ziyakuqulatha ubuncinane beemfuneko ezimiselwe nguMphathi wePhondo.

(4) Ekuququnjelweni kwesivumelwano esichazwe kwicandelwana (loku-1), uMphathiswa wePhondo angathi, ngesaziso kwiPhepha ndaba loMbuso, ubhengeza isikolo sikarhulumente esichaphazelekayo ukuba sibengumnikeli wesikolo sikarhulumente esifumana inkxaso.

(5) UMphathiswa wePhondo angangasenzi isibhengezo esichazwe kwicandelwana (lesi-4) ngaphandle kokuba ucele izimvo zoluntu ngokuphathelele kwinjongo yesibhengezo kwaye kunikwe ingqwalasela enkulu kuzo naziphi na izimvo ezifunyenweyo.

(6) Kwimeko yokupheliswa kwesivumelwano esichazwe kwicandelwana (loku-1) okanye (lesi-2)—

- (a) isikolo cesichaphazelekayo siyakuyeka ukuba sisikolo sikarhulumente esifumana inkxaso mali;
- (b) UMphathi wePhondo uyakuthi, ngesaziso kwiPhepha ndaba loMbuso, abhengeze isikolo ukuba sibe luhlobo lwesikolo sikarhulumente esichazwe kwicandelo le-12(loku-1)(a) ukuya ku (f); kwaye
- (c) ibhunga lolawulo elitsha liyakwenziwa ngendlela emiselweyo.

(7) Ubulungu bebhunga lolawulo lwesikolo sikarhulumente esifumana inkxaso singaquka abameli bomnikeli, ngamalungelo okuvota, ubukhulu esingama-50;

(8) Kwimeko yokulingana kweevoti kwintlanganiso yebhunga lolawulo lwesikolo sikarhulumente esifumana inkxaso namalungelo okuvota senza ama-50 eepesenti elo bhunga lolawulo, umba kufuneka umiselwe luninzi lwevoti kwintlanganiso eqhelekileyo yabazali abakhoyo nabavotayo.

(9) *UMphathi wePhondo* angathi, ngesizathu esithile esibonisiweyo, abhengeze ukuba *ibhunga lolawulo lwesikolo esithile sikarhulumente esifumana inkxaso esithile siyakuquka ngaphezulu kwama-50 eepesenti zamameli bomnikeli ngamalungelo okuvota.*

(10) Ngaphande kokuba kubonelelwe kweli candelo, amalungiselelo aloMthetho nawuphi na omnye umthetho ofanelekileyo olawula izikolo zikarhulumente usebenza kwizikolo zikarhulumente ezifumana inkxaso mali.

[Icandelo 12D lifakwe kwicandelo le-11 loMthetho wesi-4 wama-2018.]

### Iziko longenelelo

**12E.** (1) Ngokhomekeko kwizixhobo ezifumanekayo ze*Sebe leMfundo yaseNtshona Kapa*, u*Mphathiswa wePhondo* angaseka iziko longenelelo labafundi abathe bafunyanwa benobutyala bokungaziphathi kakuhle.

(2) Iziko longenelelo liya kubonelela ngee/ngo—

(a) ngeenkqubo zonyango kunye neendlela zongenelelo ukuze kuqutyiswane nokungaziphathi kakuhle; and

(b) hanjiso lwekharikyulam olulinganayo nomgangatho obonelelwa ngokwasemthethweni kunye nemigaqo nkqubo efanelekileyo kwizikolo zikarhulumente.

(3) Iziko longenelelo lingaquka indawo yokukhathalela.

[Icandelo 12E lifakwe kwicandelo le-11 loMthetho wesi-4 wama-2018.]

### Ukulawulwa nokuphathwa ngobuchule kwezikolo zikarhulumente

**13.** (1) Ngokuxhomekeka kuloMthetho kunye noMthetho weZikolo zaseMzantsi Afrika, ukulawulwa kwesikolo sikarhulumente ngasinye kugunyazisiwe kwibhunga lalo lolawulo kwaye inokwenza kuphela imisebenzi nezibophelelo kunye nokusebenzisa kuphela amalungelo amiselwe yilo Mithetho.

(2) *Ibhunga lolawulo* likwimeko yokuthenjwa kwesikolo.

(3) Ngokuxhomekeka kuloMthetho kunye noMthetho weZikolo zaseMzantsi Afrika, ukulawulwa ngobuchule kwesikolo sikarhulumente kuyakwenziwa yinqununu phantsi kwegunya leNtloko yeSebe.

(4) INtloko yeSebe isingavala isikolo sikarhulumente okwethutyana kwimeko apho kukho ungxamiseko ukuba iNtloko yeSebe inezizathu ezibambekayo zokuba ubomi babafundi kunye nabasebenzi busemngciphekweni okanye kukho ubungozi bowenzakala emzimbeni okanye ukunakala kwepropati.

(5) Ukuba iNtloko yeSebe igqiba ukuba isikolo esichazwe kwicandelwana (lesi-4) sivulwe kwakhona, iNtloko yeSebe iyakulazisa ibhunga lolawulo kunye nenqununu ngomhla apho isikolo siza kuvulwa.

(6) Inqununu okanye umntu obekwe njengeNtloko yeSebe uyakubazisa abefundisi ntsapho kunye nabazali ngomhla ochazwe kwicandelwana (lesi-5).

(7) Ukuba isikolo sikarhulumente esitsha sisekiwe, ulawulo lweso sikolo siya kugunyaziswa kwiNtloko yeSebe lide ibhunga lolawulo libe limiselwe ngokwaloMthetho.

[Icandelo le-13 lisetyenziswe endaweni yecandelo le-9 loMthetho wesi-7 wama-2010.]

[Icandelwana (lesi-7) lisetyenziswe endaweni yecandelo le-12 loMthetho wesi-4 wama-2018.]

### Imisebenzi noxanduva lwenqununu yesikolo sikarhulumente

**13A.** (1)(a) Inqununu yesikolo sikarhulumente imele iNtloko yeSebe kwibhunga lolawulo xa usebenza ngokusesikweni njengoko kuchaziwe kwicandelwana lama- 23 (loku-1) (b) kunye nelama-24 (loku-1) (j) oloMthetho weZikolo zaseMzantsi Afrika.

(b) Inqununu iya kulungisa ize ingenise kwiNtloko yeSebe ingxelo yonyaka ngokuphathelele e—

(i) kuqhutyweni kwezifundo zeso sikolo ngokunxulumene nobuncinci beziphumo nemigangatho kunye neenkqubo zohlolo olumiselwe ngu*Mphathiswa kaZwelonke* ngokumalunga necandelo 6A soMthetho weZikolo waseMzantsi Afrika; kunye

(ii) nokusetyenziswa okufanelekileyo kwezixhobo ezifumanekayo.

(c) (i) Inqununu yesikolo sikarhulumente ichongwe yiNtloko yeSebe ngokumalunga necandelo 12B izakuthi ngonyaka, ngaphambi kwikota yokuqala yesikolo, ilungiselele isicwangciso esichaza ukuba izakuphuculwa njani na indlela yokufunda esikolweni.

(ii) Isicwangciso sokuphucula indlela yokufunda siyaku—

(aa) boniswa iNtloko yeSebe ngomhla omiselwe yiNtloko yeSebe; size

(bb) sithiwe thaca kwintlanganiso yebhunga lolawulo.

(iii) INtloko yeSebe ingasivuma isicwangciso sokuphucula indlela yokufunda okanye isibuyisele kwinqununu nezindululo njengoko kunoba yimfuneko.

(iv) Ukuba iNtloko yeSebe liyasivuma isicwangciso sokuphucula indlela yokufunda, inqununu iyakuba, ngomhla wama-30 kweyeSilimela, ingxelo kwiNtloko yeSebe kunye nebhunga lolawulo kwinkqubela eyenziwayo ukuphumeza eso sicwangciso.

(v) *INtloko yeSebe* ingawandisa umhla ochazwe kumhlathana (iv) ngesizathu esithile esibonisiweyo.

(2) *Inqununu* iya—

- (a) kwamkela ulawulo lobuchule besikolo *sikarhulumente* njengoko kuchaziwe kwicandelo le-13 (lesi-3), ukuqhuba imisebenzi equka, kodwa ingaphelelanga ku—
  - (i) phumezo lwazo zonke iinkqubo zezifundo kunye nemsebenzi yekharikyulam;
  - (ii) lawulo lwabo bonke abefundisi *ntsapho* kunye nenkxaso yabasebenzi;
  - (iii) lawulo lokusetyenziswa kwenkxaso yezixhobo zokufunda kunye nezixhobo zokusebenza;
  - (iv) kwenziwa kwemisebenzi eyabelwe *inqununu yiNtloko yeSebe* ngokumalunga nalo *Mthetho*;
  - (v) gcino lwazo zonke iirekhodi zesikolo; kunye
  - (vi) nokuphunyezwa komgaqo nkqubo nemithetho;
- (b) kuzimasa kwaye ithathe inxaxheba kuzo zonke iintlanganiso *zebhunga lolawulo*;
- (c) bonelela *ibhunga lolawulo* ngengxelo malunga nolawulo lobuchule olunxulumene nesikolo *sikarhulumente*;
- (d) ncedisa *ibhunga lolawulo* ekuphatheni imicimbi yoluleko echaphazela *abafundi*;
- (e) ncedisa *iNtloko yeSebe* ekuphatheni imicimbi yoluleko echaphazela abefundisi *ntsapho* nabasebenzi benkxaso abaqeshwe *yiNtloko yeSebe*;
- (f) azise *ibhunga lolawulo* malunga nomgaqo nkqubo kunye nomthetho; and
- (g) bonelela ngedatha echanekileyo kwi *Ntloko yeSebe* xa oko kufuneka.

(3) *Inqununu* iya kuncedisa *ibhunga lolawulo* kukwenziwa kwemisebenzi noxanduva lalo, kodwa uncedo olunjalo okanye ukuthatha inxaxheba kungangangqubani ne/no/na—

- (a) miyalelo ye *Ntloko yeSebe*;
- (b) mthetho okanye umgaqo nkqubo;
- (c) siphi na isibophelelo kwi *Ntloko yeSebe*, u *Mphathiswa wePhondo* okanye u *Mphathiswa kaZwelonke*; okanye
- (d) lungiselelo lo *Mthetho weNgqesho yabefundisi ntsapho*, a *Manyathelo oLawulo lwaBasebenzi* yenkqubo yolawulo olumiselweyo.

[Icandelo 13A lifakwe kwicandelo le-10 lo *Mthetho wesi-7 wama-2010*.]

### Isikolo sika *Rhulumente kumhlaba wabucala*

14. (1) Ngokuxhomekeka ku *Mgaqo siseko* nalo *Mthetho*, isikolo *sikarhulumente* singabonelelwa ngomhlaba wabucala kuphela ngokwemigaqo yesivumelwano phakathi ko *Mphathiswa wePhondo* nomnikazi womhlaba wabucala.

[Icandelwana (loku-1) elisetyenziswe endaweni yecandelo le-13 lo *Mthetho wesi-4 wama-2018*.]

(2) Isivumelwano esichazwe kwicandelwana (loku-1), uhambelane nalo *Mthetho* kwaye kufuneka ulungiselele ikakhulu—

- (a) amalungiselelo *emfundo* kunye nokwenziwa kwemisebenzi eqhelekileyo yesikolo *sikarhulumente*;
- (b) ulawulo lwesikolo *sikarhulumente*, kuquka ubudlelwane phakathi kwe *bhunga lolawulo lwesikolo sikarhulumente* kunye nomnini mhlaba;
- (c) ufikelelo lwabo bonke *abafundi*, *abazali babafundi*, abefundisi *ntsapho*, *amalungu abasebenzi* abaqeshwe kweso sikolo *sikarhulumente* kunye namagosa e *Sebe leMfundo yaseNtshona Kapa* kumhlaba apho isikolo *sikarhulumente* sime khona;
- (d) ukhuseleko lomsebenzi kunye nokusetyenziswa kwepropati sisikolo *sikarhulumente*;
- (e) ukugcinwa nokuphuculwa kwazakhiwo zesikolo kunye nepropati nezibonelelo lweenkonzo ezidinekayo; kunye
- (f) nokukhuselwa kwamalungelo omnini mhlaba ngokuphathelele kwipropati esetyenziswayo, echaphazelekayo okanye esetyenziswa sisikolo *sikarhulumente*.

(3) Amalungiselelo o *Mthetho woBhaliso lweNcwadi yesiGqibo*, we-1937 (u *Mthetho wama-47 we-1937*), awusebenzi kwilungelo lokwenyani, ngaphandle kobumnini, obufunyenwe ngu *Rhulumente*, isikolo *sikarhulumente* okanye elinye ihlakani ngokumalunga nesivumelwano esichazwe kwelicandelwana.

(4) Ukuba isivumelwano esichazwe licandelwana (loku-1), alifumaneki ngomhla *omiselweyo* ngokuphathelele kwisikolo esime kumhlaba wabucala kwaye nalapho kucingelwa ukuba sisikolo *sikarhulumente* ngokumalunga necandelo lama-52 (loku-1) lo *Mthetho weZikolo zaseMzantsi Afrika*, u *Mphathiswa wePhondo* kufuneka athathe amanyathelo afanelekileyo ukugqibezela isivumelwano esinjalo kwiinyanga ezintandathu *zomhla omiselweyo*.

(5) Ukuba umhlaba wabucala osetyenziswa sisikolo *sikarhulumente* esichazwe kwicandelwana (loku-1) yeyombutho wezenkolo, umnikazi onjalo angadinga eso sivumelwano ngokumalunga necandelwana (loku-1) kufuneka iqatshelwe ngendlela eyiyo nalo *Mthetho*, umnxibelelanisi wokholo olwahlukileyo lwesikolo.

(6) Ilungelo elichazwe kwicandelwana (lesi-3) linyanzelelwa kuye nawuphi na olandelayo kwitayitile kumnini wepropati engashenxiswayo echaphazelekayo.

(7) Nangona icandelwana (lesi-3), umgcini werejista kufuneka ayiqinisekise itayitile yepropati echaphazelekayo exhomekeke kwisivumelwano esichazwe kweli candelo, xa umgcini rejista eyifumana—

- (a) isicelo salo ngqinisekiso ngumnini wepropati, okanye u*Mphathiswa wePhondo* okanye nawuphi na umnini welungelo elichazwe kwicandelwana (lesi-3), ekunye netayitile yepropati; kunye
- (b) ubungqina obufungelweyo ngumnini wepropati kunye no*Mphathiswa wePhondo*, obuchaza ukuba isivumelwano esichazwe kwelicandelo sele sigqityiwe.

(8) Nawuphi na umsebenzi otshintshelwayo, umsebenzi wesitampu, iifizi okanye iindleko ezihlawulelwa ukubhaliswa kwelungelo ngokwecandelwana (3), ziya kuhlawulwa ngokupheleleyo okanye ngenxalenye yenkxaso-mali eyabelwe yi*Palamente yePhondo* ukulungiselela loo njongo, kodwa isikolo sikarhulumente njengoko kuchaziwe kwicandelwana (1), ayiloxanduva lwalo msebenzi, iifizi zesikolo okanye iindleko.

[Icandelo le-14 lihlonyelwe ngecandelo lama-27 loMthetho wesi-7 wama-2010.]

### **Imeko yezikolo zikarhulumente**

**15.** Isikolo sikarhulumente ngasinye singumntu osemthethweni onamandla omthetho wokwenza imisebenzi ngokwalo*Mthetho*.

### **Isikolo sikarhulumente kumhlaba kaRhulumente**

**16.** (1) Ipropati engashenxiswayo kaRhulumente iquka ipropati engashenxiswayo egcinwe egameni lohlanga oluthile yitrasti emiselwe ngokomthetho.

(2) Ngokuxhomekeka kwicandelo lama-20(lok-1)(k) lo*Mthetho weZikolo zaseMzantsi Afrika*, isikolo sikarhulumente esikwipropati engashenxiswayo kaRhulumente sinelungelo, ixesha lobukho baso isikolo, ukuhlala nokusebenzisa ipropati engashenxiswayo ukuze ibe yinzuzo kwisikolo ngokwezemfundo.

(3) Ilungelo elibhekisele kwicandelwana (lesi-2), lingathintelwa kuphela—

- (a) ngu*Mphathiswa wePhondo*; kwaye
- (b) ukuba ipropati engashenxiswayo ayisetyenziswa *sisikolo* ngokusemdleni wemfundo.

(4) U*Mphathiswa wePhondo* angangathathi manyathelo phantsi kwecandelwana (lesi-3), ngaphandle kokuba —

- (a) axelele ibhunga lolawulo lwesikolo ngenjongo ukuze athathe amanyathelo okanye izzizathu zakhe ngoko ke;
- (b) anike ibhunga lolawulo lwesikolo isizathu esibambekayo ngokunika inkcazo kuye ngokunxulumene namanyathelo lawo; kwaye
- (c) baqwalasele nayiphi na inkcazo efunyenweyo.

(5) Ilungelo elichazwe kwicandelwana (lesi-2), linyanzelwa kuye nawuphi na olandelayo kwitayitile ukuya kumnini wepropati engashenxiswayo echaphazelekayo.

(6) Akukho propati ishenxisweyo kaRhulumente ibe isetyenziswa *sisikolo sikarhulumente* enokuthi kohluthwe ubumnini ngaphandle kokuba isivumelwano sigqityiwe phakathi ko*Mphathiswa wePhondo*, ngokuvunyelwa ngu*Mphathiswa wePhondo* onoxanduva wemisebenzi yoluntu, kunye nomnini olindelekileyo wepropati engashenxiswayo.

[Icandelwana (lesi-6) lisetyenziswe endaweni yecandelo le-14 loMthetho wesi-4 wama-2018.]

(7) Umgcini werejista wayo nayiphi na indawo ekugcinwa kuyo iirejista zencwadi yesigqibo angangasenzi, afunge okanye umgcini adlulisele incwadi yesigqibo ngokuphatelele kwipropati engashenxiswayo echaphazelekayo ngaphandle kokuba umniniyo ubonelele umgcini werejista ngobungqina besivumelwano esichazwe kwicandelwana (lesi-6).

(8) Amalungiselelo oMthetho weeRejista zeNcwadi yezigqibo, we-1937 (uMthetho wama-47 we-1937), awusebenzi kumalungelo achazwe kwicandelwana (lesi-2).

[Icandelo le-16 lihlonyelwe ngecandelo lama-27 loMthetho we-7 wama-2010.]

### **Ukuhluthwa**

**17.** Umhlaba kunye namalungelo okwenyani okanye ngaphezulu komhlaba nangayiphi na injongo enxulumene nemfundo yesikolo kwiphondo unokuchithwa ngu*Mphathiswa wePhondo* ngokwecandelo lama-58 loMthetho weZikolo zaseMzantsi Afrika.

[Icandelo le-17 lihlonyelwe ngecandelo lama-27 loMthetho wesi-7 wama-2010.]

### **Ukuvalwa kwesikolo sikarhulumente**

**18.** U*Mphathiswa wePhondo* angathi nangaliphi na ixesha asivale isikolo sikarhulumente ngokwecandelo lama-33 loMthetho weZikolo zaseMzantsi Afrika.

[Icandelo le-18 lisetyenziswe endaweni yecandelo le-15 loMthetho wesi-4 wama-2018.]

## Uxanduva lukaRhulumente

**19.** (1) URhulumente unoxanduva lwawo nawuphi na umonakalo okanye inkcitho ebangelwa sisiphumo saso nasiphi na isenzo okanye ukucinywa okunxulumene naso nasiphi na isenzo semfundo eqhutywa kwizikolo zikarhulumente nalapho izikolo zikarhulumente bezizakuba noxanduva kodwa ngamalungiselelo eli candelo.

(2) Amalungiselelo oMthetho woXanduva likaRhulumente, we-1957 (uMthetho wama-20 we-1957), usebenza nakwiliphi na ibango kwelicandelwana (loku-1).

## Umsebenzi wesikolo ukubonelela ngeenkukacha

**20.** (1) Isikolo kufuneka senze iinkukacha zifumaneke ukuze zihlolwe nguye nawuphi na *umntu onegunya*, ngako oko iinkukacha ezinjalo zifuneka ukusebenzisa nokukhusela amalungelo omntu onjalo.

(2) Isikolo ngasinye kufuneka sibonelele ngeenkukacha ezinjalo malunga nesikolo njengoko zifunwa yiNtloko yeSebe.

## Isikolo sabafundi abanezidingo zemfundo ekhethekileyo

**20A.** (1) Isikolo sikarhulumente sabafundi abanezidingo zemfundo ekhethekileyo njengoko kuchaziwe kwicandelo le-12(lesi-3) loMthetho weZikolo zaseMzantsi Afrika ungaquka—

(a) isikolo esikhethekileyo ukubonelela ngemfundo kubafundi nemiqobo kwimfundo; okanye

(b) isikolo esikhethekileyo esibonelela ngemfundo encamp yayo ikokukhethekileyo.

(2) UMphathiswa wePhondo angathi, kuxhomekeka ekufanelekeni kwemigangatho nezithethe zikazwelonke, emiswe ngemimiselo yolwamkelo lwemithetho, inkxaso kunye nemizekelo yolawulo lwezikolo oluchazwe kwicandelwana (loku-1).

[Icandelo 20A lifakwe kwicandelo le-11 loMthetho wesi-7 wama-2010.]

## Izithethe nemigangatho yeziseko zezakhiwo zophuhliso kunye namandla kwizikolo zikarhulumente

**20B.** (1) Ngokuxhomekeka kuzo naziphi na izithethe nemigangatho efanelekileyo kazwelonke echazwe kwelicandelo le-146(lesi-2) loMgaqo siseko, uMphathiswa wePhondo angamisela ngokomthetho ubuncinane bezithethe nemigangatho efana—

[Amazwi andulela umhlathi (a) osetyenziswe endaweni yecandelo le-16 loMthetho wesi-4 wama-2018.]

(a) izakhiwo zophuhliso zesikolo;

(b) amandla esikolo ngokuphathelele kwinani labafundi isikolo singavuma; kunye

(c) ulungiselelo lwezixhobo zenkxaso yokufunda nokufundisa.

(2) Xa kumiselwa umgaqo nkqubo ngokumalunga nama-candelo lesi-5 (lesi-5) kunye nelesi-6 (lesi-2) woMthetho weZikolo zaseMzantsi Afrika, ibhunga lolawulo kufuneka luhambelani nezithethe nemigangatho echazwe kwicandelwana (loku-1) kunye nazo naziphi na izithethe nemigangatho emiselwe nguMphathiswa kaZwelonke phantsi kwecandelo 5A zoMthetho weZikolo zaseMzantsi Afrika.

(3) Ibhunga lolawulo kufuneka, kwisithuba seenyanga ezili-12 emva kokuba uMphathiswa wePhondo emisele izithethe nemigangatho echazwe kwicandelwana (lesi-1) okanye uMphathiswa kaZwelonke amisele izithethe nemigangatho echazwe kwicandelo 5A loMthetho weZikolo zaseMzantsi Afrika, ahlole nawuphi na umgaqo nkqubo ukuba umiselwe ngokwamacandelo lesi-5 (lesi-5) kunye nelesi-6 (lesi-2) laloMthetho ukuqinisekisa ukuba umgaqo nkqubo onjalo uyahambelana nezithethe kunye nemigangatho.

[Icandelwana 20B lifakwe kwicandelo le-11 loMthetho wesi-7 wama-2010.]

## ISAHLUKO SESI-4

### AMABHUNGA OLAWULO

#### Ukusekwa kwamabhunga olawulo lwezikolo zikarhulumente

**21.** UMphathiswa wePhondo uyakuseka ibhunga lolawulo lwesikolo sikarhulumente ngendlela emiselweyo: Kuxhomekeka ukuba, endaweni yokuseka ibhunga lolawulo lwezikolo zikarhulumente ezibini, ibhunga lolawulo elinye le esinjalo lingasekwa okanye ngaphezulu nguye, apho ibhunga lolawulo liya kulawula iihostele zezikolo zikarhulumente ezichaphazelekayo, njengoko kunokuba njalo.

[Icandelwana lama-21 lihlonyelwe ngecandelo lama-27 loMthetho wesi-7 wama-2010.]

## Imisebenzi yawo onke amabhunga alawulayo

**21A.** (1) Ngokuxhomekeka kuloMthetho nakuMthetho weZikolo zaseMzantsi Afrika, ibhunga lolawulo lwesikolo sikarhulumente liya—

- (a) ukukhuthaza ezona mfuno zibalaseleyo zesikolo kunye nokuzabalazela ukuqinisekisa ukuba uyakhula ngokubonelela ngemfundo esemgangathweni kubo bonke abafundi esikolweni
- (b) kwamkela umgaqo siseko;
- (c) kuphuhlisa ingxelo yomnqophiso wesikolo;
- (d) kwamkela indlela yokuziphatha yabafundi esikolweni;
- (e) kuxhasa inqununu, abefundisi ntsapho kunye nabanye abasebenzi besikolo ekwenzeni imisebenzi yabo yobuchule;
- (f) kubambeleva kuwo nawaphi na amanyathelo athathwe yiNtloko yeSebe ngokwakwicandelo le-16 loMthetho weNgqesho yaBefundisi Ntsapho ukuqubisana nokuswela amandla kwenqununu okanye umfundisi ntsapho ukuqhuba imisebenzi yabo ngokufanelekileyo;
- (g) misela usuku lwesikolo oluhambelana nayo nayiphi na imeko efanelekileyo yokuqeshwa kwabasebenzi esikolweni;
- (h) kulawula lize liphathe ipropati yesikolo, kunye nezakhiwo nemihlaba ezakhiwe kuwo izikolo, kuquka iihostele zezikolo, kodwa ukusetyenziswa kwamandla akuyi kungenelela nangayiphi na indlela yokuthintela ukuphunyezwa kwesigqibo esenziwe nguMphathiswa wePhondo okanye iNtloko yeSebe ngokumalunga nawo nawuphi na umthetho okanye umgaqo nkqubo;
- (i) kukhuthaza abazali, abafundi, abefundisi ntsapho kunye nabanye abasebenzi besikolo ukuhambisa iinkonzo ngokuvolontiya kwisikolo;
- (j) kufaka isindululo kwiNtloko yeSebe ukuqeshwa kwabefundisi ntsapho esikolweni, ngokuxhomekeka kuMthetho weNgqesho yaBefundisi Ntsapho kunye noMthetho woBudlelwane bezaBasebenzi, we-1995 (uMthetho wama-66 we-1995);
- (k) kufaka isindululo kwiNtloko yeSebe ukuqeshwa kwabo bangengabo abefundisi ntsapho esikolweni, ngokuxhomekeka kuMthetho weNkonzo yoLuntu, we-1994 (Isibhengezo se-103 we-1994), kunye noMthetho woBudlelwane bezaBasebenzi, we-1995;
- (l) kwenza izindululo ezichazwe kumhlathi (k) kwixesha elibekiweyo elichazwe kwicandelo lesi-6 (lesi-3) (l) loMthetho weNgqesho yaBefundisi;
- (m) kwenza isicelo seNtloko yeSebe, livumele ukusetyenziswa kwezizathu ezivakalayo phantsi kweemeko ezingenamkhethe ezimiselwe yiNtloko yeSebe lamaziko esikolo seenkqubo zemfundo aziqhutywanga sisikolo;
- (n) kukhuphela yonke eminye imisebenzi kwibhunga lolawulo phantsi kwaloMthetho okanye uMthetho weZikolo zaseMzantsi Afrika; kwa
- (o) nokukhuphela eminye imisebenzi ehambelana noMthetho weZikolo zaseMzantsi Afrika, njengoko kumiselwe nguMphathiswa kaZwelonke ngesaziso kwiPhepha Ndaba loMbuso, okanye nguMphathiswa wePhondo ngesaziso kwiPhepha Ndaba loMbuso lePhondo.

(2) Ibhunga lolawulo linokuvumela ukusetyenziswa ngokukoko ngoncedo olufumanekayo lwesikolo ukulungiselela iinjongo zokunyusa ingxowa mali yasesikolweni, ezokuxhomekeka phantsi kweemeko ezifanelekileyo nezinokulingana njengoko ibhunga lolawulo linokumisela, elinokubandakanya ukubizwa kweefizi okanye uluhlu lwamaxabiso esikolweni.

(3) Ibhunga lolawulo lingajoyina umbutho wamavolontiya olumele amabhunga olawulo lwezikolo zikarhulumente.

(4) Ngokuxhomekeka kuloMthetho, uMthetho woBudlelwane bezaBasebenzi, we-1995, kunye nawuphi na umthetho osebenzayo, isikolo sikarhulumente singadala izithuba zabefundisi ntsapho size siqeshe abefundisi ntsapho abongezelelekileyo kusungulo olumiselwe nguMphathiswa wePhondo ngokwecandelo lesi--5 (lesi-1) loMthetho weNgqesho yaBefundisi Ntsapho.

(5) Ngokuxhomekeka kuloMthetho, uMthetho woBudlelwane wezaBasebenzi, we1995, kunye nawo nawuphi na umthetho osebenzayo, isikolo sikarhulumente angadala izithuba zengqesho zabangengobefundisi ntsapho ize iqeshe abasebenzi abangengobefundisi ntsapho abongezelelekileyo kusungulo olumiselwe ngokoMthetho weNkonzo yoLuntu, we-1994.

(6) Umfundisi ntsapho kunye nongengomfundisi ntsapho baqeshwe kwisithuba sengqesho esisungulwe ngokwakwicandelwana (lesi-4) okanye (lesi-5) liya kuhambelana neemfuno ezisekelwe ingqesho kwizikolo zikarhulumente ngokumalunga naloMthetho, uMthetho woBudlelwane bezaBasebenzi, we-1995, kunye nawo nawuphi na omnye umthetho osebenzayo.

[Icandelwana (lesi-7) elicinywe ngecandelo le-17(a) loMthetho wesi-4 wama-2018.]

(8) Abasebenzi abachazwe kumacandelwana (lesi-4) kunye (nelesi-5) bayakuqeshwa ngokuhambelana neempawu zentsulungeko kunye nemigaqo ebhekisele kwicandelo le-195 loMgaqosiseko, kunye nemiba emayithathelwe ingqalelo xa kuqeshwa equka, kodwa kungaphelelanga apho—

- (a) ubuchule bomgqatswa;
- (b) umgaqo wokulingana;
- (c) isidingo sokulungisa ukungabikho sesikweni kokwadlulayo; kunye
- (d) isidingo sokumelwa.

(9) Xa unika ingxelo ngohlalo lwabiwo mali lonyaka oluchazwe kwicandelo lama-38 lo*Mthetho weZikolo zaseMzantsi Afrika*, *ibhunga lolawulo lwesikolo sikarhulumente* liya kubonelela ngeenkukacha ezaneleyo zaso nasiphi na isithuba sengqesho esiyilwayo ngokumalunga namacandelwana (lesi-4) ne (lesi-5), kuquka uqikelelo lwendleko ngokunxulumene nokuqeshwa kwabasebenzi kwizithuba ezinjalo nangendlela apho lucetywe ukuba iindleko ezinjalo kuyakuhlangatyezwana nazo.

(10) Nangona icandelo lama-60 lo*Mthetho weZikolo zasMzantsi Afrika*, uRhulumente akanaxanduva lwalo naliphi na inyathelo okanye ukususwa sisikolo sikarhulumente ngokunxulumene namacandelwana (lesi-4) ne (lesi-5).

(11) *UMphathiswa wePhondo* angamisela izithethe nemigangatho ngesaziso kwi*Phepha ndaba loMbuso lePhondo* ngokunxulumene nemali esetyenziswe ekuqesheni abasebenzi ekubhekiswa kumacandelwana (lesi-4) ne (lesi-5), kodwa izithethe nemigangatho enjalo ayinakutolikelwa ukwenza uRhulumente abe yindibaniselwano yokuba ngumqeshi kubasebenzi abanjalo.

[Icandelo 21A lifakwe ngecandelo le-12 lo*Mthetho wesi-7 wama-2010.*]

[Icandelwana (le-11) lisetyenziswe endaweni yecandelo lesi-17(b) lo*Mthetho wesi-4 wama-2018.*]

### **Iintlanganiso zamabhunga olawulo**

**22.** (1) *Ibhunga lolawulo* lingonyula kwinani lalo ngendlela *emisiweyo*, ubuncinane, usihlalo, unongxowa kunye nonobhala ozakuthi umntu ngamnye abese-ofisini okwexesha *elimiselweyo*.

(2) Ukungabikho kukasihlalo kwintlanganiso *yebhunga lolawulo* amalungu angabameli baya konyula nawuphi na umntu kwinani labo achophe kulo ntlanganiso.

(3) Isigqibo somntu omnye ngaphezu kwesiqingatha senani lamalungu *ebhunga lolawulo* akhoyo kwintlanganiso *yelobhunga lolawulo*, lenza isigqibo *selobhunga lolawulo*, kwaye kwimeko yokulingana kweevoti, umntu ochophele intlanganiso uyakuthi, ukongeza kwivoti yakhe yangabom, abenevoti yokuphosa.

(4) Akukho sigqibo esithathiweyo *libhunga lolawulo* okanye inyathelo elithathwe ngokwegunya *lebhunga lolawulo* eliya kulambatha ngenxa yesizathu sokuba isithuba somsebenzi besikhona kwela *bhunga lolawulo* okanye kungokuba umntu obengenalungelo lokuhlala njengelungu kwela *bhunga lolawulo* uye wahlala kw*ibhunga lolawulo* njengelungu elinjalo, ngexesha apho isigqibo sathathwayo okanye inyathelo lagunyaziswa, ukuba isigqibo sathathwa okanye inyathelo lagunyaziswa ngomnye okanye ngaphezulu kwesiqingatha kwamalungu *ebhunga lolawulo* abathe bakhona baze banelungelo lokuhlala njengamalungu.

### **Iikomiti**

**23.** (1) *Ibhunga lolawulo* lingamisela ikomiti enye okanye ngaphezulu nalapho, kuxhomekeka kwimiyalelo yelo *bhunga lolawulo* liya kwenza imisebenzi enjalo njengoko *ibhunga lolawulo* limisela.

(2) Ikomiti *yebhunga lolawulo* liya kuquka ilungu elinye okanye ngaphezulu lelo *bhunga lolawulo* elinye okanye abanye abantu abangaphezulu abangengawo amalungu *lebhunga lolawulo*.

(3) Elinye lamalungu *ebhunga lolawulo* liyakwabelwa *libhunga lolawulo* njengosihlalo wekomiti.

(4) *Ibhunga lolawulo* aliyikohluthwa umsebenzi othe ngokumalunga neli candelo labelwe kwikomiti yelo *bhunga lolawulo*.

(5) *Ibhunga lolawulo* lingathi nangaliphi na ixesha liliphelise okanye icingwe kwakhona ikomiti njengoko kuchaziwe kwicandelwana (loku-1).

### **Imimiselo enxulumene namabhunga olawulo**

**24.** (1) *UMphathiswa wePhondo* angenza imimiselo ukuze—

- (a) ukwakhiwa nemisebenzi yamabhunga olawulo;
- (b) ukulungela ingqesho, ukwabelwa okanye ukonyulelwa, ixesha lokubase-ofisini, kunye nokushiya e-ofisini, kwamalungu amabhunga olawulo kunye nokugcwalisa izithuba zexeshana kumabhunga olawulo;
- (c) indlela yolwanyulo, imisebenzi yoosihlalo, oonongxowa kunye noonobhala *bebhunga lolawulo*;
- (d) ukuhlanganiswa, kwenkqubo nemithetho, kunye nekhoram, iintlanganiso zamabhunga olawulo kunye neekomiti zamabhunga olawulo kunye nokugcina imizuzu yezo ntlanganiso; kunye
- (e) ukupheliswa nokwakhiwa kwakhona kwamabhunga olawulo.

(2) *UMphathiswa wePhondo* akanakho ukwenza imithetho enxulumene nemali nezibonelelo zemali ezihlawulwa kumntu okanye ngumntu, okanye enxulumene nokulawulwa kwemali nempahla kaRhulumente, ngaphandle kwemvumelano *yentloko yezemali*.

[Icandelo lama-24 lihlonyelwe ngecandelo lama-27 loMthetho wesi-7 wama-2010.]

### Ukuqhubeka kwamabhunga athile

25. Ngoxhomekeke kumalungiselelo ecandelo lama-54 loMthetho *weZikolo zaseMzantsi Afrika*, ulawulo lwamabhunga, ibhunga lasekhaya, ikomiti, ibhodi okanye elinye ibhunga lolawulo nokuphathwa *kwesikolo sikarhulumente*, siyaqhubeka ukubakho.

[Icandelo lama-25 lihlonyelwe ngecandelo lama-27 loMthetho wesi-7 wama-2010.]

### Ukuhlawulwa kwamalungu amabhunga olawulo kunye neekomiti zamabhunga olawulo

26. (1) Akukho lungu *labhunga lolawulo* okanye ikomiti *yebhunga lolawulo* eliya kuhlulwa nangayiphi na indlela yokwenziwa kwemisebenzi yalo.

(2) Indleko ezifanelekileyo ezenziwe lilungu *lebhodi lolawulo*, okanye ikomiti *yebhodi lolawulo* ekwenziweni kwemisebenzi yakhe njengoko kwalathwe *libhunga lolawulo*, lingabuyiselwa imali *libhunga lolawulo*.

### Umgaqo wokuziphatha kwebhunga lolawulo

26A. (1) *UMphathiswa wePhondo* uyakuthi, ngesaziso kwi*Phepha ndaba loMbuso lePhondo*, umgaqo wokuziphatha wamalungu *ebhunga lolawulo lesikolo sikarhulumente* emva kothethwathethwano neemanyano *zebhunga lolawulo kwiphondo*, ukuba kufanelekile.

(2) Umgaqo wokuziphatha ekubhekiselwe kuwo kwicandelwana (loku-1) ejolise ekusekeni imeko *yezikolo ezinoluleko nenenjongo ezinikezelwe ekuphuculeni nasekugcinweni komgangatho wolawulo olululo kwisikolo sikarhulumente*.

(3) Onke amalungu *ebhunga lolawulo* ayakuthobela umgaqo wokuziphatha.

(4) Umgaqo wokuziphatha uyakuquka inkqubo efanelekileyo, kunye nokukhusela umdla wamalungu *ebhunga lolawulo* kwiinkqubo zoluleko.

(5) *INtloko yeSebe* ingabuyekisa okanye ibuphelise ubulungu belungu *lebhunga lolawulo* ngokophula umgaqo wokuziphatha emva kwenkqubo efanelekileyo.

(6) Ilungu *lebhunga lolawulo* lingabhena ku*Mphathiswa wePhondo* ngokuphikisana nesigqibo seNtloko yeSebe ukurhoxisa nokuyekisa ubulungu belungu *lebhunga lolawulo*.

[Icandelo 26A lifakwe kwicandelo le-13 loMthetho wesi-7 wama-2010.]

## ISAHLUKO SESI-5

### IZIKOLO EZIZIMELEYO

#### Ukusekwa kwesikolo ezizimeleyo

27. (1) Akukho mntu uya kumisela, aqhube okanye agcine *isikolo esizimeleyo* ngaphandle kokuba sibhalisiwe yi*Ntloko yeSebe*.

(2) Ngokuxhomekeka kuloMthetho, nakuwuphi na umthetho osebenzayo, nawuphi na umntu, ngendleko zakhe, unokuseka kwaye alondolozwe *isikolo esizimeleyo*.

#### Ubudala bokwamkelwa kwisikolo esizimeleyo

27A. (1) Ubudala kulwamkelo lomfundi kwisikolo *esizimeleyo* kwi—

(a) *ibanga labasaqalayo (uR)* bubudala obungange sine ukuya kowesihlanu ngomhla wama-30 kweyeSilimela kunyaka wolwamkelo;

(b) *ibanga loku-1* bubudala beminyaka emihlanu ukuya kowesithandathu ngomhla wama-30 kweyeSilimela kunyaka wolwamkelo.

(2) *Isikolo esizimeleyo* singamamkela *umfundi* ongaphantsi ngokweminyaka echazwe kwicandelwana (loku-1) ukuba—

(a) izezathu ezilungileyo zibonisiwe kwi*Ntloko yeSebe*; kwaye

(b) *umfundi* uthobelana nemiqathango echazwe kwicandelo 45A (c) loMthetho *weZikolo zaseMzantsi Afrika*.

- (3) Ngokwenjongo yecandelwana (lesi-2) (a), isizathu esilungileyo esibonisiweyo sithetha ukuba—
- (a) inokuboniswa ukuba iimeko ezizodwa zikho ezenza ukuba kwamkelwe *umfundi* ongaphantsi kobudala bokwamkelwa ngenxa yokuba ukwamkelwa kuya kuba kokona kulungiselela *umfundi*; kwaye
- (b) ukwalela lo *mfundi* kuya kubayingozi kakhulu kuphuhliso lwakhe njengomfundi.  
[Icandelo 27A lifakwe kwicandelo le-14 loMthetho wesi-7 wama-2010.]

### Isicelo sobhaliso

**28.** (1) *UMphathiswa wePhondo* kufuneka, ngesaziso kwi*Phepha ndaba loMbuso*, amisele izizathu apho ubhaliso lwesikolo esizimeleyo luya kuvunywa okanye lurhoxiswe yi*Ntloko yeSebe*.

[Icandelwana (loku-1) lihlonyelwe ngecandelo lama-27 loMthetho wesi-7 wama-2010.]

(2) Nawuphi na umntu ocinga ukumisela, ukuqhuba okanye ukugcina isikolo esizimeleyo uyakufaka isicelo kwi*Ntloko yeSebe* ngembalelwano ngobhaliso lweso sikolo esizimeleyo.

(3) Isicelo sobhaliso lwesikolo esizimeleyo siya kubonelelwa ngeenkukacha ezongezelweyo malunga nesicelo sakhe njengoko i*Ntloko yeSebe* ifuna.

### Ingqwalasela yezicelo zobhaliso lwesikolo esizimeleyo

**29.** (1) Ngoxhomekeo kumalungiselelo ecandelo lama-46 loMthetho we*Zikolo zaseMzantsi Africa*, i*Ntloko yeSebe* inganika imvume kwisicelo esibhekisele kwicandelo lama-28, ukuba ucinga ukuba iimfuneko ezimiselayo zithotyelwe.

[Icandelwana (loku-1) lihlonyelwe ngecandelo lama-27 loMthetho wesi-7 wama-2010.]

(2) Ukuba i*Ntloko yeSebe* iyasala isicelo ekubhekiselwe kuso kwicandelo lama-28, uya kumazisa umfaki sicelo ngembalelwano yeso sicelo salwayo kunye nezizathu zoko.

### Ubhaliso lwesikolo esizimeleyo

**30.** (1) *INtloko yeSebe* ivumela isicelo esibhekisele kwicandelo lama-28, ingasibhalisa isikolo esizimeleyo esichaphazelekayo ize ikhuphele umfaki sicelo isiqinisekiso sobhaliso esinjalo njengoko enokumisela.

(2) Ubhaliso lwesikolo esizimeleyo luyakuxhomekeka kwiimeko ezimiselayo.

(3) *Isikolo esizimeleyo* esibhaliswe malunga nomthetho orhosiweyo nguloMthetho nothe wakhona kwamsinyane nje phambi komhla omisiweyo, uyakuthi ukusukela kulo mhla ucingelwe ukuba isikolo esizimeleyo esibhaliswe ngokumalunga naloMthetho.

(4) Umnini wesikolo esizimeleyo angasilawula isikolo esizimeleyo esinjalo ngokwake okanye angaqesha okanye agunyazisa nawuphi na umntu ukuba alawule isikolo esizimeleyo endaweni yakhe, ngokuxhomekeke kwimigaqo yaloMthetho.

### Izibonelelo zemali kwizikolo ezizimeleyo ezibhalisiweyo

**31.** Ukunikezelwa kwenkxasomali kwizikolo ezizimeleyo kuya kubhekiswa kuzo njengoko *kumiselwe* ngu*Mphathiswa wePhondo*, ngemvumelwano yentloko yezemali.

[Icandelo lama-31 lifakwe endaweni yecandelo le-18 loMthetho wesi-4 wama-2018.]

### Ukurhoxiswa kobhaliso

**32.** Ukubhaliswa kwesikolo esizimeleyo kuyakurhoxiswa phantsi kweemeko ezimiselayo.

### Isibheni ngokuchasene nokwaliwa okanye ukurhoxiswa kobhaliso

**33.** (1) Umntu oziva ekhathazekile kukwaliwa kwesicelo yi*Ntloko yeSebe* esichazwe kwicandelo lama-28, okanye ukurhoxiswa kobhaliso ngokwemigaqo yecandelo lama-32, unokuthi, kwiintsuku ezingama-30 emva kokufumana isaziso sokwaliwa okanye ukukurhoxiswa, abhene ku*Mphathiswa wePhondo* ngembalelwano, ecacisa izizathu zesibheni, ngokuchasene nokwala okanye ukurhoxiswa.

(2) *UMphathiswa wePhondo* uyakuqwalasela isibheni ekubhekiselwe kuso kwicandelwana (loku-1), kwaye angaqinisekisa okanye abeke bucala isigqibo se*Ntloko yeSebe*.

[Icandelo lama-33 lihlonyelwe ngecandelo lama-27 loMthetho wesi-7 wama-2010.]

### Ukubhengezwa kwezikolo ezizimeleyo njengezikolo zikarhulumente

34. (1) *UMphathiswa wePhondo* angangena kwisivumelwano nomnikazi wesikolo esizimeleyo malunga nokuba isikolo eso esizimeleyo sinokubhengezwa njengesikolo sikarhulumente.

(2) Akukho sivumelwano kunokungenwa kuso phantsi kwecandelwana (loku-1), ngaphandle kwemvume yentloko yezemali.

(3) Ukuba isivumelwano kungeniwe kuso phantsi kwecandelwana (loku-1), *uMphathiswa wePhondo* kufuneka ngesaziso kwi*Phephandaba loMbuso lePhondo* esibhengeza ukuba isikolo esizimeleyo sizakuba sisikolo sikarhulumente ukususela ngomhla ochazwe kwisaziso.

[Icandelo lama-34 lihlonyelwe ngecandelo lama-27 loMthetho wesi-7 wama-2010.]

### Iziphumo zesibhengezo njengesikolo sikarhulumente

35. (1) Ukusukela kumhla okhankanywe kwisaziso esichazwe kwicandelo lama-34(3)—

- (a) isikolo esizimeleyo esichaphazelekayo siyakuthathwa njengesikolo sikarhulumente esisekwe phantsi kwecandelo le-12;
- (b) akusayi kubakho ntlawulo kumnini sikolo wangaphambili nawaphi na amalungelo okanye imisebenzi ngokumalunga nesikolo esichaphazelekayo;
- (c) amalungelo afunyenweyo kunye nokuzibophelela okwenziwe ngumnini ochaphazelekayo, nonxulumene nesikolo esichaphazelekayo, anganikezele kuRhulumente; kwaye
- (d) ubumnini nolawulo lwepropati eshenxiswayo nengashenxiswayo obunokuthi kwangoko nje phambi komhla wokunikezelwa kumnini ochaphazelekayo, nonxulumene nesikolo esichaphazelekayo, uyakunikezela kwisikolo sikarhulumente ekuthethwa ngaso, ngaphandle kokuba kuvunyelwene ngokumalunga necandelo lama-34(1).

(2) Ipropati engashenxiswayo inikezelwa kwisikolo sikarhulumente esichaphazelekayo ngokumalunga necandelwana (loku-1)(d), iyakutshintshelwa kwisikolo sikarhulumente esichaphazelekayo ngaphandle kwentlawulo yotshintshelo, irhafu okanye nayo nayiphi na imali okanye iindleko, kodwa kuxhomekeka nakweliphi na ilungelo elikhoyo, umthwalo, imfanelo okanye itrasti ku/okanye kwipropati.

(3) Umntu ogcina iincwadi zerejista zezivumelwano apho ipropati engashenxiswayo kubhekiselwa kuyo kwicandelwana (lesi-2) ibhalisiwe, iya, ngokungeniswa kwetayitile echaphazelekayo, enze iziqinisekiso ezinjalo kulo tayitile kwaye amangeniso anjalo kwirejista yakhe njengoko kunokufuneka ukubhalisa utshintshelo oluchaphazelekayo.

(4) Ukubhengezwa kwesikolo esizimeleyo njengesikolo sikarhulumente akuyi kuchaphazela nantoni na eyenziwe ngokusemthethweni ngumnini ochaphazelekayo ngaphambi kokubhengezwa

### Ukubhaliswa kwabafundi kwimfundo esekhaya

36. Imfuno kunye neemeko zobhaliso lomfundi kwimfundo yasekhaya ziya kumiselwa.

### Imigaqo ephathelene nezikolo ezizimeleyo

37. (1) *UMphathiswa wePhondo* angayibeka imigaqo malunga—

- (a) nolwamkelo lwabafundi besikolo esizimeleyo kwiimviwo eziqhutywa okanye phantsi kweliso le*Sebe leMfundo laseNtshona Kapa*;
- (b) nokugcinwa kweerejista namanye amaxwebhu sisikolo esizimeleyo esibhalisiweyo;
- (c) imeko apho nasiphi na isibonelelo, xa isicelo sivunyiwe, sizakuhlululwa kwisikolo esizimeleyo esibhalisiweyo;
- (d) ukuphelelwa okanye ukurhoxiswa kobhaliso lwesikolo esizimeleyo; kunye
- (e) nayo nayiphi na imeko enxulumene nezikolo ezizimeleyo eziya okanye zibe nokumiselwa nguye.

(2) Imigaqo eyahlukileyo ingabekwa phantsi kwecandelwana (loku-1) ngokuphathelene kwizikolo ezizimeleyo ezohlukileyo.

(3) *UMphathiswa wePhondo* akasayi kubeka umgaqo onxulumene nemali kunye neezibonelelo ezihlawulwa kuye okanye nguye nawuphi na umntu, okanye okunxulumene nolawulo lwemali kunye nempahla kaRhulumente, ngaphandle kwemvume yentloko yemali.

[Icandelo lama-37 lihlonyelwe ngecandelo lama-27 loMthetho wesi-7 wama-2010.]

## Ukuqhubeka kobukho besikolo sabucala

38. Isikolo sabucala esibhaliswe okanye esithathwa njengesibhaliswe phantsi kwamalungiselelo omthetho wemfundo olawula izikolo kwiphondo, nezithe zakho kwamsinyane nje phambi komhla omisiweyo, uya kuthathwa njengesikolo esizimeleyo esibhalisiweyo ngokumalunga necandelo lama-30 laloMthetho.

## ISAHLUKO SESI-6

### ABAFUNDI

#### Ukuchongwa, ukwamkelwa, ukufakwa endaweni, ukuthunyelwa, ukuhambisa, ukukhutshwa nokukhululwa kwabafundi abaneemfundo zemfundo ezizodwa

39. (1) INtloko yeSebe leMfundo iyakuthi, ngexesha lenkqubo yokuchongwa, yokwamkelwa, ukufakwa, ukuthunyelwa, ukutshintsha, ukukhutshwa komfundi kunye nokuxolelwa komfundi oneemfundo zemfundo ezizodwa ekuhambeni isikolo okunyanzelekileyo, kuthathelwe ingqalelo amalungelo kunye neminqweno yomzali womfundi onjalo.

(2) INtloko yeSebe leMfundo kufuneka yazise umzali womfundi ngokubhekiselwe kwicandelwana (loku-1) ngokubhala isenzo ngasinye esichazwe kwicandelwana (loku-1).

(3) Ukuba umzali ekubhekiselwe kuye kwicandelwana (loku-1) ne (lesi-2), ukhathazwa sisenzo esichazwe kwicandelwana (loku-1) ne/okanye (lesi-2), umzali onjalo, zingaphelanga iintsuku ezingama-30 ukusukela kumhla wokufumana oko ingxelo ebhaliweyo, nakweziph na iintshukumo, faka isibheni kuMphathiswa wePhondo ngokuchaseneyo noko kufunyanisiweyo.

(4) UMphathiswa wePhondo uya kuqwalasela isibheni esikhankanywe kwicandelwana (lesi-3), kwaye unokuqinisekisa okanye abekele bucala iziphumo zeNtloko yeSebe.

[Candelo lama-39 elihlonelwe ngecandelo lama-27 loMthetho wesi-7 wama-2010.]

[Candelo lama-40 lirhoxiswe ngecandelo le-19 loMthetho wesi-4 wama-2018.]

#### Ulwamkelo lwezikolo zikarhulumente

41. (1) Isikolo sikarhulumente siya kwamkela abafundi kwaye sizenze iimfuno zabo zemfundo ngaphandle kokucalula ngokungafanelekanga nangayiphi na indlela.

(2) Ibhunga lolawulo lesikolo sikarhulumente alinakho ukwenza naluphi na uvavanyo olunxulumene nokwamkelwa komfundi kwisikolo sikarhulumente okanye kuyalele okanye kugunyazise inqununu yesikolo okanye omnye umntu ukuba enze olovavanyo, ngaphandle kwakwimeko yokwamkelwa komfundi ofunda kwisikolo sikarhulumente njengoko kuchaziwe kwicandelo 20A.

[iCandelwana (lesi-2) afakwe endaweni yecandelo lama-20 oMthetho wesi-4 wama-2018.]

(3) Akukho mfundi unokwamkelwa kwisikolo sikarhulumente ngenxa yezizathu zokuba umzali womfundi—

(a) akanako ukuhlawula okanye ukuhlawula iifizi zesikolo esimiselwe phantsi kwecandelo lama-39 loMthetho weZikolo waseMzantsi Afrika;

(b) engavumelani nengxelo yomqondiso wesikolo; okanye

(c) walile ukungena kwisivumelwano sokuba umzali ahlukane naliphi na ibango lomonakalo ovela kwimfundo yomfundi..

(4) (a) Ulwamkelo lobudala bomfundi kwisikolo sikarhulumente—

(i) ibakala R yiminyaka emine egqiba iminyaka emihlanu ngomhla wama-30 kweyeSilimela ngonyaka wolwamkelo;

(ii) ibakala loku-1 yiminyaka emihlanu egqiba emithandathu ngomhla wama-30 kweyeSilimela ngonyaka wolwamkelo.

(b) Kuxhomekeka ekufumaneni iindawo ezifanelekileyo esikolweni kunye nezinye izixhobo zemfundo, iNtloko yeSebe ingamvumela umfundi ongaphantsi kobudala obuchazwe kumhlathi (a) ukuba—

(i) izizathu ezivakalayo zibonisiwe kwiNtloko yeSebe; kwaye

(ii) umfundi uthobela imigaqo ecaciswe kwicandelo lesi-5 (4) (c) loMthetho weZikolo waseMzantsi Afrika.

(c) Ngenjongo yomhlathi (b) (i), isizathu esihle esibonisiweyo sithetha ukuba —

(i) kungaboniswa ukuba kuneemeko ezahlukileyo ezikhoyo ezenza kubeyimfuneko ukwamkelwa komfundi ongaphantsi kweminyaka efunekayo kuba ukwamkelwa kuzakuba kungumdlawomi womfundi; kwaye

(ii) ukuvuma ukuba ukwalela lo mfundi kuya kubayingozi kakhulu kuphuhliso lwakhe njengomfundi.

(5) Ngokuxhomekeke kuloMthetho kunye noMthetho weZikolo waseMzantsi Afrika, umgaqonkqubo wokwamkelwa kwesikolo sikarhulumente umiselwa libhunga lolawulo lesikolo.

(6) Isicelo sokwamkelwa komfundi kwisikolo sikarhulumente siya kwenziwa kwiSebe leMfundo leNtshona Kapa ngendlela emiselweyo yiNtloko yeSebe leMfundo.

(7) Ukuba isicelo ngokwecandelwana (lesi-6) saliwe, iNtloko yeSebe iya kwazisa umzali ngencwadi yembalelwano ngesizathu sokwala ngoko.

(8) Nawuphi na umfundi okanye umzali womfundi owaliweyo ukwamkelwa kwisikolo sikarhulumente unokufaka isibheni esiya kuMphathiswa wePhondo malunga nesigqibo.

[Icandelo lama-41 lisetyenziswe endaweni yecandelo le-15 loMthetho wesi-7 wama-2010.]

### Unyanzeliso lokuhamba isikolo

42. (1) Ngokuxhomekeka kuMthetho weZikolo waseMzantsi Afrika, wonke umzali uya kubangela ukuba umfundi ngamnye afumane uxanduva lokuya esikolweni ukusukela ngosuku lwesikolo lokuqala lonyaka umfundi afikelela kwiminyaka esixhenxe de kube lusuku lokugqibela lwesikolo lonyaka apho umfundi efikelela kwiminyaka elishumi elinesihlanu okanye kwibanga lesithoba, nayiphi na eyenzeka kuqala.

(2) UMphathiswa wePhondo uya kuqinisekisa ukuba kukho indawo eyaneleyo yesikolo ukwenzela ukuba wonke umntwana ohlala kweli phondo akwazi ukuya esikolweni njengoko kufuneka kwicandelwana (loku-1).

(3) Ukuba uMphathiswa wePhondo akakwazi ukuthobela icandelwana (lesi-2) ngenxa yokunqongophala kwabasebenzi ngomhla wokuqalisa koMthetho woLungiso lweZikolo zePhondo leNtshona Kapa, wama-2010, uya kuthi athathe amanyathelo okulungisa nakuphi na ukusilela kwezixhobo ngokukhawuleza kwaye uya kwenza ingxelo yonyaka kuMphathiswa kaZwelonke ngenkqubela phambili ezalisekisiweyo ngokwenza oko.

(4) Ukuba umfundi obengene ngokunyanzelekileyo ukuhamba isikolo ngokwemigaqo yecandelwana (loku-1) akabhaliswanga okanye usilele ukuya esikolweni, iNtloko yeSebe leMfundo inga —

- (a) phanda iimeko zokungabikho esikolweni komfundi;
- (b) thatha amanyathelo afanelekileyo okulungisa imeko; kwaye
- (c) ukusilela kolo lungiso, khupha isaziso esibhaliweyo esiya kumzali womfundi esifuna ukuthobelana necandelwana (loku-1).

(5) Ngokuxhomekela kuMthetho weZikolo waseMzantsi Afrika, neminye imithetho esetyenziswayo—

- (a) nawuphi na umzali othe, ngaphandle kwesizathu, emva kwesaziso esibhaliweyo esivela kwiNtloko yeSebe, esicela ukuthobela icandelwana (loku-1), unetyala lokwaphula umthetho kwaye uya kugwetywa isohlwayo okanye ukuvalelwa entolongweni ixesha elingadlulanga kwiinyanga ezintandathu;
- (b) Nawuphi na omnye umntu, ngaphandle kwesizathu, othintela umfundi aphumelele ukuya esikolweni, unetyala lokwaphula umthetho kwaye uya kugwetywa isohlwayo okanye ukugwetywa ixesha elingadlulanga kwiinyanga ezintandathu.

[Icandelo lama-42 lisetyenziswe endaweni yecandelo le-16 loMthetho wesi-7 wama-2010.]

### Uxolelo ekuyeneni esikolweni ngokunyanzelekileyo

43. (1) INtloko yeSebe leMfundo, ekufikeni kwesicelo esibhaliweyo, nokuba iphelele okanye ixesha elinje kwaye phantsi kweemeko ezimiselweyo, ixolele umfundi ngokupheleleyo ngembalelwano, ngokukhetha okanye okwethutyana ekuhambeni isikolo ngokunyanzelekileyo okwenziwe phantsi kwecandelo lama-42 ukuba oko kumlungele umfundi.

[Icandelwana (loku-1) lisetyenziswe endaweni yecandelo le-17 loMthetho wesi-7 wama-2010.]

(2) INtloko yeSebe kufuneka igcine irejista yabo bonke abafundi abafumene uxolelo ekuhambeni isikolo ngokunyanzelekileyo.

### Umgaqonkqubo weelwimi nokubhiyozelwa kweenkolo kwizikolo zikarhulumente

44. Kuxhomekeka kwimigqaliselo yecandelo lesi-6 nelesi-7 loMthetho weZikolo waseMzantsi Afrika, umgaqonkqubo wolwimi kunye nokubhiyozelwa kweenkolo kwisikolo sikarhulumente kuya kugqitywa libhunga lolawulo laso: Ngokuxhomekeka kwimeko yesikolo sikarhulumente sabafundi abaneemfuno zemfundo ezizodwa, ibhunga lolawulo liya kumisela umgaqonkqubo wolwimi ngokubhungisana neNtloko yeSebe.

[Icandelo lama-44 lihlonelwe ngecandelo lama-27 loMthetho wesi-7 wama-2010.]

### Ikhawudi yokuziphatha, ukumiswa nokugxothwa kwizikolo zikarhulumente

45. (1) Ibhunga lolawulo lesikolo sikarhulumente kufuneka limesele umgaqo wokuziphatha kwabafundi ngokwecandelo lesi-8 loMthetho weZikolo waseMzantsi Afrika.

[Icandelwana (loku-1) lihlonelwe ngecandelo lama-27 loMthetho wesi-7 wama-2010.]

(2) *Ibhunga lolawulo* linokuthi, ngenxa yezizathu ezivakalayo nangokuthatha inyathelo elikhuselekileyo, linqumamisa *umfundi* okrokrelwa ngokungaziphathi kakuhle ekuhambeni *isikolo*, kodwa linokunyanzelisa ukumiswa kwalo emva kokuba *umfundi* enikwe ithuba elifanelekileyo lokwenza izimvo ngokunxulumene nokunqunyanyiswa.

[Icandelwana (lesi-2) lisetyenziswe endaweni yecandelo le-18 loMthetho wesi-7 wama-2010.]

(3) *Ibhunga lolawulo* liya kuqhuba iindlela zoluleko ngendlela echazwe kwicandelo lesi-8 soMthetho weZikolo waseMzantsi Afrika ngokuchasene nomfundi kwiintsuku ezisixhenxe zesikolo emva kokunqunyanyiswa komfundi.

(4) Ukuba iingxoxo zoluleko aziqhutywa zingaphelanga iintsuku ezisixhenxe zesikolo emva kokumiswa komfundi, *ibhunga lolawulo* liya kufumana imvume yeNtloko yeSebe leMfundo malunga nokuqhubeka kokunqunyanyiswa komfundi.

[Amacandelwana (lesi-3) ne (lesi-4) ongezwe ngecandelo le-18 loMthetho wesi-7 wama-2010.]

(5) *Ibhunga lolawulo* linokuthi, ukuba *umfundi* ufunyaniswe enetyala lokungaziphathi kakuhle ngexesha lokuqhubeka kwetyala loluleko njengoko kuchaziwe kwicandelo 8 loMthetho weZikolo waseMzantsi Afrika—

- (a) ukumisela ukunqunyanyiswa komfundi kangangesithuba seentsuku zesikolo ezisixhenxe okanye nasiphi na esinye isohlwayo esikhankanywe kumgaqo wokuziphatha wesikolo sikarhulumente; okanye
- (b) yenza izindululo kwiNtloko yeSebe uku—
  - (i) gqithisela *umfundi* kwiziko *longenelelo* ngokwexesha elichaziweyo elingadlulanga kwiinyanga ezili-12 ngalo naliphi na ixesha, ukuba abazali bayakuvuma ukugqithiselwa; okanye
  - (ii) gxotha *umfundi* kwisikolo sikarhulumente.

[Icandelwana (lesi-5) longezelelwe ngecandelo le-18 loMthetho wesi-7 wama-2010.]

[uMhlathi (b) usetyenziswe endaweni yecandelo lama-21(a) loMthetho wesi-4 wama-2018.]

(6) *INtloko yeSebe* ingathi, kwiintsuku ezili-14 emva kokufumana isindululo esichazwe kwicandelwana (lesi-5)(b)—

- (a) kwimeko yesindululo esikhankanywe kwicandelwana (lesi-5) (b) (i), yenza isigqibo sokuba *umfundi* angamdululisele kwelinye iziko *longenelelo* kangangesithuba esingadlulanga kwiinyanga ezili-12 ngalo naliphi na ixesha, ukuba abazali bayaluvuma udlulisele; okanye
- (b) kwimeko yesindululo esichazwe kwicandelwana (lesi-5)(b)(ii), gqiba ukuba ungamgxotha okanye ungamgxothi na *umfundi*.

[Icandelwana (lesi-6) longezelelwe ngecandelo le-18 loMthetho wesi-7 wama-2010 kwaye lisetyenziswe endaweni yecandelo lama-21(b) loMthetho wesi-4 wama-2018.]

(7) *Ibhunga lolawulo* linokunqumamisa okanye landise ukunqunyanyiswa komfundi ithuba elingadlulanga kwiintsuku ezili-14 zesikolo kusalindwe isigqibo seNtloko yeSebe leMfundo sokuba ngaba uyagxothwa umfundi kwisikolo sikarhulumente okanye simdlulisele umfundi kwiziko *longenelelo* ngoncedo.

[Icandelwana (lesi-7) longezelelwe licandelo le-18 loMthetho wesi-7 wama-2010 kwaye lisetyenziswe endaweni yecandelo lama-21(c) loMthetho wesi-4 wama-2018.]

(8) *Umfundi esikolweni sikarhulumente* angagxothwa kuphela—

- (a) iNtloko yeSebe; kwaye;
- (b) ukuba ufunyenwe enetyala lokungaziphathi kakuhle emva kweenkqubo zoluleko ezikhankanywe kwicandelo lesi-8 loMthetho weZikolo waseMzantsi Afrika ziqhutyiwe.

(9) *UMphathiswa wePhondo* uya kumisela ngesaziso kwiPhephandaba loMbuso lePhondo—

- (a) ukuziphatha komfundi kwisikolo sikarhulumente enokuba sisiqalo sokungaziphathi kakuhle;
- (b) iinkqubo zoluleko kufuneka zilandelwe kwiimeko ezinjalo;
- (c) izibonelelo zenkqubo efanelekileyo ekhusela iimfuno zomfundi kunye nalo naliphi na iqela elichaphazelekayo kwinkqubo yezoluleko.

(10) *Umfundi* okanye *umzali womfundi* othe wagxothwa *esikolweni sikarhulumente* angabhena ngokuchasene nesigqibo seNtloko yeSebe kuMphathiswa wePhondo kwiintsuku zesikolo ezili-14 ekufumaneni isaziso sokugxothwa.

(11) Ukuba *umfundi* ophantsi kokuhamba isikolo ngonyanzeliso ngokwecandelo lama-42(1) ugxothiwe kwiziko sikarhulumente, iNtloko yeSebe iya kwenza amanye amalungiselelo okumfaka kwisikolo sikarhulumente.

(12) *Umfundi* othe wabhena ngendlela ekhankanywe kwicandelwana (le-10) angathi, ngexesha kulindwe isiphumo sesibheni, afumane *imfundo* ngendlela emiselwe yiNtloko yeSebe.

(13) *INtloko yeSebe*, ekumiseleni indlela yokuhamba isikolo ekhankanywe kwicandelwana (lesi-12)—

- (a) siyakuthatha amanyathelo afanelekileyo ukukhusela amalungelo abanye abafundi kunye nabafundisi ntsapho kwisikolo sikarhulumente; kwaye
- (b) mingacinga nezinye nolunye uhlobo lokubonelela ngemfundo kumfundi okhankanywe kwicandelwana (le-12).

(14) Ukuba *iNtloko yeSebe* igqiba ukungamxothi *umfundi* njengoko kuchaziwe kwicandelwana (lesi-8), *iNtloko yeSebe* ingathi, emva kothethathethwano *nebhunga lolawulo*, amisele isohlwayo esifanelekileyo *kumfundi*.

[Amacandelwana (lesi-8) ukuya (kwele-14) ongezwe ngecandelo le-18 loMthetho wesi-7 wama-2010.]

(14A) Isohlwayo ekubhekiselwe kuso kwicandelwana (le-14) singabandakanya, kwisindululo *sebhunga lolawulo* kunye nemvume *yabazali bomfundi*, kudluliselwe kwiziko *longenelelo* kwisithuba esichaziweyo, esingenakudlula kwiinyanga ezili-12 nangaliphi na ixesha.

(14B) *Umfundi* othe wadluliselwa kwiziko *longenelelo* ngokumalunga necandelwana (lesi-6)(a) okanye (14A) uyakuthi, emva kokuphelelwa kwexesha elichazwe kulo macandelo, amkelwe kwa kwesasikolo *sikarhulumente* abe ehamba kuso phambi kodluliselo.

[Amacandelo (14A) kunye (14B) afakelwe ngecandelo lama-21(d) loMthetho wesi-4 wama-2018.]

(15) Ukuba *iNtloko yeSebe* igqiba ukungamohlwayi *umfundi*, *iNtloko yeSebe* iya kudlulisela umcimbi umva kwibhunga *lolawulo* ngenjongo zesinye isohlwayo, ngaphandle kokugxothwa, ngokumalunga nomgaqo wokuziphatha okhankanywe kwicandelwana (loku-1).

(16) Ibhunga lolawulo lingaphumeza isohlwayo esichazwe licandelwana (le-14).

[Amacandelwana (le-15) kunye (nele-16) ongezwe ngecandelo le-18 loMthetho wesi-7 wama-2010.]

[Icandelo lama-45 lihlonyelwe ngecandelo lama-27 loMthetho wesi-7 wama-2010.]

### **Ukuthintelwa kwezinto eziyingozi, iziyobisi ezingekho mthethweni notywala obunxilisayo kumasango esikolo**

**45A.** (1) Ngaphandle kokuba igunyaziswe yinqununu ngeenjongo ezisemthethweni zokufunda, akukho mntu unokuza nento *eyingozi*, notywala obunxilisayo okanye *iziyobisi ngokungekho mthethweni* kumasango *esikolo* okanye enento *eyingozi*, notywala obunxilisayo okanye *iziyobisi ngokungekho mthethweni* kumasango *esikolo* okanye ngalo naliphi na *ixesha lesikolo*.

(1A) Icandelwana (loku-1) alisebenzi kusetyenziso lotywala olusemthethweni ngumntu ngaphandle komfundi kwimicimbi *yesikolo* ethi ibanjwe ngaphandle kwamasango *esikolo*.

[Icandelo (1A) lifakwe kwicandelo lama-22 loMthetho wesi-4 wama-2018.]

(2) *Inqununu* okanye umthunywa wakhe angathi—

- (a) ukukhangela nawuphi na *umfundi*, okanye ipropathi yakhe nawuphi na *umfundi*, nayiphi na into *enobungozi*, isiselo esinxilisayo okanye *iziyobisi ezingekho mthethweni*, ukuba *inqununu* iyakrokrela ukuba kukho into *eyingozi*, utywala obunxilisayo okanye *iziyobisi ezingekho mthethweni* kumasango *esikolo* okanye *ngexesha lesikolo*; kwaye
- (b) thimba nayiphi na into *eyingozi*, isiselo esinxilisayo okanye *iziyobisi ezingekho mthethweni*, ezifunyenwe ngexesha lokusetsha.

(3) Umntu oqhuba uphando okhankanywe kwicandelwana (lesi-2) uya kukwenza ngendlela efanelekileyo nehambelana neenjongo kunye nezinto zokuphanda.

(4) Apho uphando olukhankanywe kwicandelwana (lesi-3) lubandakanya ukukhangela umzimba wakhe nawuphi na *umfundi*, umntu ophanda *umfundi* —

- (a) angangafuni *umfundi* ukukhulula nayiphi na impahla ngaphandle kempahla ingaphezulu;
- (b) uza kuba sisini esinye njengomfundi; kwaye
- (c) angaqhuba usetsho kuphela phambi kwelinye ilungu labasebenzi elikwa sisini esinye njengomfundi.

(5) Ukuba, ngenxa yokusetsha okanye ngenxa yolwazi oluthembekileyo olufunyenweyo, okanye ngenxa yaso nasiphi na esinye isizathu, inqununu inesizathu esivakalayo sokukholelwa ukuba nayiphi na into *eyingozi*, utywala obunxilisayo okanye *iziyobisi ezingekho mthethweni* ezifihlwe emzimbeni okanye emntwini womfundi othile, *inqununu* inokuthi icele ilungu leNkonzo yamaPolisa oMzantsi Afrika ukuba yenze uphando oluninzi ngakumbi ngaloo mntu womfundi uphandwayo, olunokuthi lubandakanye ukususwa kwempahla.

(6) Nayiphi na into *enobungozi*, utywala obunxilisayo okanye *iziyobisi ezingekho semthethweni* ezithe zathinjwa ziza kuba—

- (a) ngokucacileyo nangokuchanekileyo iphawulwe ngeenkukacha ezipheleleyo, kuquka—
  - (i) apho kuthe kwafunyanwa kwaye, ukuba kufanelekile, igama lomfundi ofunyenwe enazo;
  - (ii) ixesha nomhla wosetsho kunye nowokuthinjwa;
  - (iii) ishlo esinenombolo esisalathiso;
  - (iv) igama lomntu oqhube usetsho;
  - (v) igama lelungu labasebenzi ebelikhona xa bekuqhutywa usetsho, apho kufanelekileyo; kunye
  - (vi) anazo naziphi na iinkukacha ezinokuba ziyimfuneko ekuchongeni into kunye nesehlo;
- (b) irekhodwe kwinwadi yeerekhodi *zesikolo*; kwaye
- (c) kunikelwe kwilungu leNkonzo yamaPolisa aseMzantsi Afrika ngokukhawuleza ukulahlaanded over to a member of the South African Police Service kwangoko ukuyilahla ngokwecandelo lama-31 loMthetho weNkqubo yoLwaphulomthetho, we-1977 (uMthetho wama-51 we-1977).

- (7) Ukuba amapolisa akakwazi ukuqokelela into *eyingozi*, notywala obunxiliso okanye *iziyobisi ezingekho mthethweni esikolweni* ngokukhawuleza, *inqununu* okanye lowo udlulisele kuye.
- thatha into *eyingozi*, notywala obunxiliso okanye *iziyobisi ezingekho mthethweni* kwisikhululo samapolisa esikufutshane; kwaye
  - nikezela into *eyingozi*, *iziyobisi ezingekho mthethweni* okanye isiselo esinxilisayo emapoliseni ukuze ilahlwe ngokwecandelo lama-31 soMthetho weNkqubo yoLwaphulomthetho, we-1977.
- (8) Ipolisa elifumana into *eyingozi*, isiselo esinxilisayo okanye *iziyobisi ezingekho mthethweni* liya kukhupha irisithi egunyazisiweyo *yenqununu* okanye umthunywa.
- (9) *Inqununu* okanye umthunywa wakhe unokulawula umchamo okanye olunye uvavanyo olungahlaseliyo kuye nawuphi na *umfundi* ukuba *inqununu* inesizathu esivakalayo sokukrokrela lo *mfundi*—
- unesiselo esinxilisayo okanye *iziyobisi ezingekho mthethweni*; okanye
  - uphantsi kweempembelelo zotywala okanye *iziyobisi ezingekho mthethweni*, ngexesha leeyure zesikolo okanye kwimicimbi yesikolo.
- (10) *Umfundi* okhankanywe kwicandelwana (le-9) unokufakwa kumchamo okanye kolunye uvavanyo olungahlaseliyo lotywala obunxiliso okanye *iziyobisi ezingekho mthethweni* kuphela ukuba —
- uvavanyo luqhutywa ngumngu onesini esifana nesomfundi;
  - lwenziwa uvavanyo kwindawo efihlakeleyo;
  - ingqina elinye elingumntu omdala, elisisini esifanayo nesomfundi, libekho;
  - isampulu icacisiwe kwaye ifakwe uphawu ngokucacileyo nangokuchanekileyo neenkukacha ngokupheleleyo njengoko kuchaziwe kwicandelwana (lesi-6), kunye notshintsho olufanelekileyo; kwaye
  - isixhobo esichazwe kwicandelo 8A(le-11) loMthetho weZikolo woMzantsi Afrika usetyenzisiwe.
- (11) *Inqununu* okanye umthunywa wakhe uyakuthi—
- kwiintsuku zomsebenzi, ukuba kuyenzeka, azise *umzali womfundi* ochaphazelekayo ukuba uvavanyo okanye usetsho kunye nothinjo lwenziwe ngokuphathelele kumfundi; kwaye
  - azise *umfundi nomzali* ngeziphumo zovavanyo ngokukhawuleza nje zakuba zifumanekile.
- (12) Umntu onamagunya phantsi kweli candelo angasebenzisa lo mandla njengoko kuyimfuneko kwiimeko zokusebenzisa loo magunya.
- (13) *Umfundi* unokufakwa kwiinkqubo zoluleko ukuba—
- umfundi* ufunyanwe enento enobungozi, utywala okanye *iziyobisi ezingekho semthethweni* ngexesha leeyure zesikolo okanye kwimisebenzi yesikolo; okanye
  - umfundi* uvavanyo lumfumane enotywala okanye *iziyobisi ezingekho semthethweni* kwiimeko ezichazwe kwicandelwana (le-10).
- (14) Naziphi na iinkqubo zoluleko ngokuphathelele nomfundi zizakuqhutywa ngokumalunga nomgaqo wokuziphatha okhankanywe kwicandelo lama-45(1).
- [Icandelo 45A lifakwe ngecandelo le-19 loMthetho wesi-7 wama-2010.]

### **Ngaphandle kokuthintelwa kotywala obunxiliso kumasango esikolo okanye ngexesha lesikolo**

**45B.** (1) Ngaphandle kokuthintela isiselo esinxilisayo kumasango esikolo okanye nangaliphi na ixesha lomsebenzi wesikolo ochazwe kwicandelo 45A (loku-1), iNtloko yeSebe leMfundo, ngesicelo esibhaliweyo, ingagunyazisa *ibhunga lolawulo* okanye, kwimeko yokusebenza kwabasebenzi, *inqununu yesikolo sikarhulumente* ukuze kuvumeleke ukusetyenziswa okanye ukuthengiswa kotywala obunxiliso kumasango esikolo okanye kuyo nawuphi na umsebenzi wesikolo okanye imisebenzi yesikolo ebanjelwa kumasango esikolo.

(2) Ekuqwalaselweni kwesicelo esikhankanywe kwicandelwana (loku-1), iNtloko yeSebe kufuneka ibenokuthathela ingqalelo imigaqonkqubo yoRhulumente weNtshona Kapa ngokubhekisele ekunciphiseni umenzakalo obangelwa butywala.

(3) *Ibhunga lolawulo* okanye *inqununu* enikwe igunya elikhankanywe kwicandelwana (loku-1) angakuvumela ukusetyenziswa okanye ukuthengiswa kotywala kumasango esikolo okanye kuwo nawuphi na umsebenzi wesikolo okanye imisebenzi yesikolo ebanjwe kumasango esikolo.

(4) Ukusetyenziswa okanye ukutyengiswa kotywala njengoko kuchaziwe kweli candelo kuxhomekeke ku—

- Mthetho woTywala waseNtshona Kapa, wama-2008, kwaye naziphi na iimeko ezifakwe ngokwalo Mthetho; kunye
- naziphi na iimeko ezibekwe—
  - libhunga lolawulo*;
  - yinqununu kwimeko yokusebenza kwabasebenzi; kunye
  - neNtloko yeSebe.

(5) Ngaphandle kwamacandelwana (loku-1) ne- (lesi-3), ukusetyenziswa nokuthengiswa kotywala obunxiliso kumasango esikolo okanye umsebenzi wesikolo obanjelwe kumasango esikolo akuvumelekile ngexesha lesikolo.

- (6) *INtloko yeSebe* ingathi, phantsi kwezizathu ezivakalayo, irhoxise ukuvunywa okuchazwe kwicandelwana (loku-1).
- (7) *INtloko yeSebe* ingakurhoxisa ukuvunywa okuchazwe kwicandelwana (loku-1) ngaphandle kokuba—
- yazise *ibhunga lolawulo* okanye *inqununu* ngenjongo zakhe zokwenza oko kunye nezizathu zokwenza oko;
  - inike imvume *ibhunga lolawulo* okanye *inqununu* ithuba elifanelekileyo ukuvakalisa izimvo kuye ngokunxulumene noko; kwaye
  - ziqwalaselwe ngokufanelekileyo naziphi na izimvo ezifunyenweyo.
- (8) Kwiimeko ezingxamisekileyo, *iNtloko yeSebe* ingasirhoxisa isicelo esichazwe kwicandelwana (loku-1) ngaphandle kokuthobela icandelwana (lesi-7), ngokuxhomekeka ekubeni *iNtloko yeSebe*—
- inikeza *ibhunga lolawulo* okanye *inqununu* ngezizathu zesigqibo sakhe;
  - inika *ibhunga lolawulo* okanye *inqununu* ithuba elifanelekileyo lokuveza izimvo ezinxulumene nesigqibo sakhe; kwaye
  - iqwalasela ngokufanelekileyo naziphi na izimvo ezifunyenweyo.
- (9) *INtloko yeSebe leMfundo*, ngesizathu esivakalayo esiboniswe *sisikolo*, iyasibuyisa okanye isirhoxise isigqibo sayo esikhankanywe kwicandelwana (lesi-6) okanye (lesi-8).
- (10) Nawuphi na umntu okhathazwa sisigqibo se*Ntloko yeSebe* ngokweli candelo unokufaka isibheni ngokuchasene nesigqibo esiya ku*Mphathiswa wePhondo*.
- (11) *INtloko yeSebe*—
- ingakhupha izikhokelo eziya *ezikolweni* ngokusetyenziswa nokuthengiswa kotywala kumasango *esikolo* okanye kumsebenzi *wesikolo* ngokubhekisele kweli candelo; kwaye
  - kufuneka akhuphe izikhokelo eziya *ezikolweni* malunga nobukho *babafundi* xa kusetyenziswa utywala okanye buthengiswa kumasango *esikolo* okanye kumsebenzi *wesikolo* ngokubhekisele kweli candelo.

[Icandelo 45B lifakwe ngecandelo lama-23 loMthetho wesi-4 wama-2018.]

### Imvume yokuphuma kwesikolo

**45C.** *Isikolo sikarhulumente* kufuneka sifumane imvume ngembalelwano *yomzali* ogunyazisa *umfundi* ukuba azimase imicimbi yesikolo ngaphandle kwamasango *esikolo*, ngaphandle kwemisebenzi eqhelekileyo yezemidlalo.

[Icandelo 45C lifakwe ngecandelo lama-23 loMthetho wesi-4 wama-2018.]

### Isohlwayo esiqatha ngokudibeneyo

**46.** Akukho mntu uyakusebenzisa isohlwayo esiqatha ngokudibeneyo *kumfundi esikolweni*.

### Ukuthintelwa kwezenzo zoqheliso

**46A.** (1) Umntu akanakho ukuqhuba okanye athathe inxaxheba kwizenzo zokuqheliswa komfundi esikolweni.

(2) (a) Nawuphi na umntu owaphula icandelwana (loku-1) unetyala lokungaziphathi ngendlela efanelekileyo kwaye noluleko luya kumiselwa ngokuchasene naloo mntu ngokwemigaqo yokuziphatha efanelekileyo, echazwe kwicandelo 26A okanye lama-45 (1) *aloMthetho* okanye eliqukathwe kwiShedyuli yesi-2 yo*Mthetho wezeNgqesho yaBafundisi Ntshapho*.

(b) Ukongeza kumhlathi (a), *umfundi* unokuthatha inyathelo eluntwini nxaanye nomntu okanye neqela elikhohlisileyo lanyanzela *umfundi* ukuba aqhube okanye athathe inxaxheba kuzo naziphi na izenzo zoqheliso.

(3) Ngeenjongo *zaloMthetho*, 'izenzo zokuqhelisa' zithetha nasiphi na isenzo esiphakathi kwinkqubo yoqheliso, ukwamkelwa, okanye ukumanyana kunye, okanye njengemeko yokuqhubeka kobulungu *besikolo*, iqela, imisebenzi yangaphakathi okanye yangaphandle, iqela lezemidlalo lase interschools, okanye umbutho—

- wonakalisa ingqondo okanye impilo yomzimba okanye ukhuselo lomntu;
- ujongela phantsi ixabiso lemveli yabantu ngokuphatha abanye njengabaphantsi kunabanye;;
- ufake abantu kwizenzo ezihlasisayo okanye zobundlobongela ezijongela phantsi isiqinisekiso somgaqosiseko sokuba nesidima kuMthetho wamaLungelo;
- ujongela phantsi amalungelo asisiseko kunye neentsulungeko ezisekela u*Mgaqosiseko*;
- uthintela ukuphuhla kwenkcubeko yedemokhrasi yokwenyani enika umntu lowo ukuba aphantsi njengokufanelekileyo kwentlonipho nenkxalabo; okanye
- wonakalisa ipropati karhulumente neyabucala.

[Icandelo 46A ifakwe ngecandelo lama-20 loMthetho wesi-7 wama-2010.]

### Ukuthintelwa kwemisebenzi yezopolitiko ngexesha lesikolo

- 46B.** (1) *Ixesha lesikolo* lizakusetyenziselwa imisebenzi yesikolo kuphela.
- (2) Akukho mntu ozakuqhuba imisebenzi yeqela lepolitiki kumasango *esikolo* ngexesha lesikolo, kuquka—
- amaphulo;
  - ukuqhuba iintlanganiso;
  - ukuhambisa uluncwadi lweqela lepolitiki; kunye
  - ukuxhoma amaphekepheke ezaziso.
- (3) *Ibhunga lolawulo* okanye *inqununu* ayinakuvumela iqela lepolitiki okanye ilungu leloqela ukuba liqhube imisebenzi yeqela lepolitiki *esikolweni* okanye ngexesha lesikolo.
- (4) *Isikolo* asinakuvumela ukuboniswa kwezixhobo zeqela lohlobo lwepolitiki kumasango *esikolo*, ngaphandle kwenxenye yekharikyulam emiselweyo.
- (5) Ukulungiselela eli candelo, 'ixesha lesikolo' lithetha amaxesha omhla wesikolo omiselwe *libhunga lolawulo* phantsi kwecandelo 21A (1) (g), nangalo naliphi na elinye ixesha apho ikharityhulamu okanye ikharityhulamu yemisebenzi eyongezelelweyo isenzeka kumasango *esikolo*.
- (6) Ukuba ibhunga lolawulo livumela amasango esikolo ukuba asetyenziswe liqela lepolitiki, kufuneka likwenze oko ngokuhambelana no*Mgaqosiseko* kunye nalo*Mthetho*.
- [Icandelo 46B lifakwe ngecandelo lama-20 loMthetho wesi-7 wama-2010.]

### Ukukhutshwa kwamalungiselelo oMthetho weMbuyekezo yoKonzakala neZifo eMsebenzini, we-1993

**47.** Akukho *mfundi* kwisikolo *sikarhulumente* oya kuthi ngenxa yamalungiselelo oMthetho weMbuyekezo yoKonzakala neZifo eMsebenzini, we-1993, athathwe njengomsebenzi okanye omnye umntu onelungelo lokuhlawula imbuyekezo okanye nayiphi na enye inzuzo phantsi kwaloMthetho.

### Ibhunga elimele abafundi

- 48.** (1) *Ibhunga elimele abafundi* esikolweni liya kusekwa kwisikolo ngasinye *sikarhulumente* ababhalisela *abafundi* abakwibanga lesibhozo okanye ngaphezulu, kwaye ibhunga lilo kuphela elamkelweyo kunye nommeli *webhunga lomfundi esikolweni*.
- (2) *UMphathiswa wePhondo* uya kuthi, ngesaziso kwiPhephandaba loMbuso lePhondo, amisele imisebenzi kunye neenkqubo zokusekwa nokunyulwa kwamabhunga *abameli babafundi*.
- [Icandelo (lesi-2) lisetyenziswe endaweni yecandelo lama-24 loMthetho wesi-4 wama-2018.]
- (3) *UMphathiswa wePhondo* unokuthi, ngesaziso kwiPhephandaba loMbuso wePhondo, asikhulule *isikolo sikarhulumente* sabafundi abaneemfuno zemfundo ezizodwa ekuthobeleni icandelwana (loku-1) ukuba akunakwenzeka ukuba kumiselwe *ibhunga elimele abafundi esikolweni*.
- [Icandelo lama-48 lisetyenziswe endaweni yecandelo lama-21 loMthetho wesi-7 wama-2010.]

## ISIAHLUKO SESI-7

### EENTLOBO NGEENTLOBO

#### Iifizi zesikolo kwizikolo zikarhulumente

- 49.** (1) Ngokuxhomekeka ku*Mthetho weZikolo waseMzantsi Afrika*, iifizi zesikolo zinokumiselwa kwaye zihlawulwe kwisikolo *sikarhulumente* kuphela ukuba isigqibo sokwenza oko samkelwe ngabazali abaninzi abaya kwintlanganiso ekubhekiswe kuyo kwicandelo lama-38 (2) lwaloMthetho.
- (2) A Izisombululo ezichazwe kwicandelwana (loku-1) ziyakubonelela nge—
- ngesixa seefizi zesikolo emazihlawulwe;
  - indlela yobulungisa kunye neenkqubo zonke, inxalenye okanye uxolelo lwemeko yabazali abangenako ukuhlawula iifizi zesikolo; kunye
  - nohlalho lwabiwo mali lwesikolo olubonisa iziphumo ezongezelelekayo—
    - iindlela esimiselweyo sokungahlawuli iifizi zesikolo; kunye
    - nazo zonke, inxalenye okanye imvume yoxolelo lwemeko yabazali malunga nemithetho echazwe kwicandelo lama-39 (4) loMthetho weZikolo waseMzantsi Afrika.
- (3) *Ibhunga lolawulo* liya kuphumeza isindululo esamkelwe kwintlanganiso echazwe kwicandelwana (loku-1).
- (4) *Isikolo sikarhulumente* singangaluhlawulisi naluphi na ubhaliso, ulawulo okanye nezinye iifizi, ngaphandle kweefizi zesikolo ezichazwe kwicandelo loku-1.

(5) *Isikolo sikarhulumenet* singangamhlawulisi umzali womfundi iifizi ezahlukileyo ngokusekelwe kwikharikyulam okanye ikharikyulam eyongezelelweyo kwibanga elifanayo.

(6) *UMphathiswa wePhondo* angachonga aze aqulunqe uluhlu lwazo zonke izikolo ezichazwe kwicandelo lama-39(7) loMthetho weZikolo zaseMzantsi Afrika, kwiphondo.

(7) Izikolo ezichazwe kwicandelo lama-39 (7) loMthetho weZikolo zaseMzantsi Afrika zingathi, ngaphandle kwelo candelo, zihlawulise iifizi zesikolo ukuba zifumana imali engaphantsi kweefizi ekubhekiswa kuwo kwicandelo lama-39 (8) loMthetho weZikolo waseMzantsi Afrika ovela kwiSebe leMfundo yaseNtshona Kapa.

(8) Ilungelo lesikolo lokuhlawulisa iifizi zesikolo ngokwecandelwana (lesi-7) lilinganiselwe kwinani elilingana nesixamali esifunyenweyo ukubaeyona mali ifunyenweyo kuRhulumente ithatyathwe kumqobo we-no fizi.

[Icandelo lama-49 lisetyenziswe endaweni yecandelo lama-22 loMthetho wesi-7 wama-2010.]

### **Inkxasomali kunye nee-asethi zezikolo zikarhulumente**

**50.** Ngokuxhomekeka kumalungiselelo ecandelo lama-37 loMthetho weZikolo zaseMzantsi Afrika, *ibhunga lolawulo lesikolo sikarhulumente* lingaqubisana nenkxasomali yesikolo kunye nee-asethi zesikolo sikarhulumente ngokuphathelele nezikhokhelo ezikhutshwe yiNtloko yeSebe, ngemvume yentloko yezemali.

[Icandelo lama-50 lihlonyelwe ngecandelo lama-27 loMthetho wesi-7 wama-2010.]

### **Uhlahlo lwabiwo mali loNyaka lwesikolo sikarhulumente**

**51.** Ngokuxhomekeka kumalungiselelo ecandelo lama-38 loMthetho weZikolo zaseMzantsi Afrika, *ibhunga lolawulo lesikolo sikarhulumente* lizakuqubisana nohlahlo lwabiwo mali lonyaka lwesikolo sikarhulumente ngokuphathelele nezikhokhelo ezimisela yiNtloko yeSebe, ngemvume yentloko yezemali.

[Icandelo lama-51 lihlonyelwe ngecandelo lama-27 loMthetho wesi-7 wama-2010.]

### **Ukuthintelwa kokuhlawulwa kwemivuzo engagunyaziswanga, okanye ukunikwa kwezibonelelo zemali okanye izibonelelo ngohlobo oluthile kubasebenzi**

**51A.** (1) Ngokwesiqendwana (lesi-2), *ibhunga lolawulo* alinakuhlawula okanye linike umqeshwa wombuso oqeshwe ngokoMthetho weNgqesho yaBafundisi ntsapho okanye uMthetho weNkonzo kaRhulumente we-1994, nayiphi na into engagunyaziswanga—

- (a) umvuzo;
- (b) enye inzuzo yemali; okanye
- (c) ukuxhamla ngesisa.

(2) *Ibhunga lolawulo* lingafaka isicelo kwiNtloko yeSebe lemivume yokuhlawula umsebenzi karhulumente nayiphi na intlawulo ekhankanywe kwicandelwana (loku-1).

(3) Isicelo esilolohlobo siza kufakwa ngembalelwano kwi-ofisi yeNtloko yeSebe kwaye umbuso uza kuthi—

- (a) iinkcukacha ngokupheleleyo ngendlela okanye ubungakanani bentlawulo;
- (b) inkqubo nezixhobo eziya kusetyenziswa ukubuyisela okanye ukuvuza umqeshwa wombuso; kunye
- (c) nobungakanani bothotyelo necandelo 21A (lesi-5) ukuya (kwele-9).

(4) *Ibhunga lolawulo* lizakwenza isicelo esikhankanywe kwicandelwana (lesi-2) ubuncinane iinyanga ezine phambi kokugqitywa kohlahlo lwabiwo mali lwesikolo.

(5) Ngaphandle kwecandelwana (loku-1), *ibhunga lolawulo* linokuhlawula iindleko zohambo nezokutya ezinxulumene nemisebenzi yesikolo esemthethweni, kodwa ezo ndleko azinakuba ngaphezulu kwezo ziya kuhlawulwa ngumsebenzi kawonke wonke kwiimeko ezifanayo.

(6) *INtloko yeSebe* ayinakusala isicelo ngaphandle kwesizathu esivakalayo esikhankanywe kwicandelwana (lesi-2).

(7) Ekunikeni ingqwalasela isicelo, *iNtloko yeSebe* iyakuthathela ingqalelo—

- (a) iziphumo zomqeshi ngokubhekisele kwisivumelwano sengqesho kunye nomthetho wezabasebenzi;
- (b) ukuba inkonzo echaphazelekayo kwisicelo iyakuphazamisana nokuhanjiswa kwenkonzo okuqhelekileyo komqeshwa;
- (c) ukuba inkonzo echaphazelekayo kwisicelo sele ihlawulwe ngumqeshi; kwaye
- (d) ukuba umvuzo owongezelekileyo, enye inzuzo okanye inzuzo ngenkxaso yesisa yeyona micimbi nemisebenzi yesikolo.

(8) Intlawulo echazwe kwicandelwana (loku-1) liyakubonakala kuhlahlo lwabiwo mali lwesikolo, njengoko kuchaziwe kwintlanganiso yabazali ngokwecandelo lama-38 (2) loMthetho weZikolo zaseMzantsi Afrika.

(9) Ukuba *ibhunga lolawulo* lihlawula imbuyekezo okanye linika nayiphi na imali okanye izibonelelo ezixeliwe kwicandelwana (loku-1) kumqeshwa ngaphandle kwemvume yangaphambili yeNtloko yeSebe, isixa semali esihlawulweyo okanye isibonelelo esinikezelweyo siya kubuyiselwa yiNtloko yeSebe egameni lesikolo

ukusuka kumalungu *ebhunga lolawulo* lwesikolo esixhase eso sigqibo, ngaphandle kwelungu *lebhunga lolawulo* eliselincinane.

(10) *Ibhunga lolawulo* lingabhena ku*Mphathiswa wePhondo* ngokuchasene—

- (a) ukwaliwa kwesicelo yi*Ntloko yeSebe* esikhankanywe kwicandelwana (lesi-2); okanye
- (b) ukusilela kwe*Ntloko yeSebe* ukubonelela ngesigqibo kwisicelo esichazwe kwicandelwana (lesi-2) kwiinyanga ezintathu emva kokufakwa kwesicelo kwi-ofisi ye*Ntloko yeSebe*.

[Icandelo 51A lifakelwe ngecandelo lama-23 loMthetho wesi-7 wama-2010.]

### **Iirekhodi zezemali kunye neengxeo zezikolo zikarhulumente**

**52.** Ngokwecandelo lama-42 loMthetho we*Zikolo waseMzantsi Afrika*, *ibhunga lolawulo* lesikolo *sikarhulumente* liya kuqubisana neerekhodi zezemali kunye neengxelo zezikolo *sikarhulumente* ngokungqinelana nezikhokelo ezimiselwe ngu*Mphathiswa wePhondo*, ngemvume yentloko yezemali.

[Icandelo lama-52 lihlonyelwe ngecandelo lama-27 loMthetho wesi-7 wama-2010.]

### **Uphicotho okanye uviwo lweerekhodi neengxelo zemali**

**53.** Uphicotho zincwadi okanye uviwo lweerekhodi neengxelo zemali zezikolo zikarhulumente kuyakuqutyiswana nazo *libhunga lolawulo* ngokungqinelana nolungiselelo lwecandelo lama-43 loMthetho we*Zikolo waseMzantsi Afrika*.

[Icandelo lama-53 lihlonyelwe ngecandelo lama-27 loMthetho wesi-7 wama-2010.]

### **Unyakamali wesikolo sikarhulumente**

**54.** Unyakamali wesikolo *sikarhulumente* uqala ngosuku lokuqala kweyoMqungu uphele ngosuku lokugqibela kweyomNga wonyaka ngamnye.

### **Ukusetyenziswa kwecandelo le-14 loMthetho weNgqesho yaBafundisi ntsapho ngokuphathelele kubafundisi ntsapho bexeshana kunye nabaqeshwe ngesivumelwano sekontraktha**

**54A.** Icandelo le-14 loMthetho we*Ngqesho yaBafundisi ntsapho* liyasebenza, kunye notshintsho olufunekayo ngokwemeko, kubafundisi ntsapho bethutyana, abesivumelwano sekontraktha.

[Icandelo 54A lifakelwe ngecandelo lama-24 loMthetho wesi-7 wama-2010.]

### **Ukuthathwa njengokukhutshwa komfundisi ntsapho**

**54B.** (1) Ukuba *umfundisi ntsapho*, nokuba uqeshiwe ngokusisigxina, okanye ngokungesosigxina okanye okwexeshana, urhoxile emva kokuba enikwe izityholo zoluleko kodwa ngaphambi kokuba kugqitywe inkqubo yoluleko, *umfundisi ntsapho* uya kuthathwa njengongeniswe ngenxa yezityholo zoluleko ezinjalo Iinjongo zokufuna ingqesho kwixesha elizayo njengomfundisi ntsapho okanye njengomqeshwa kwinkonzo yoluntu.

(2) Ukusilela ukubhengeza ubunyani belo tyala loluleko nelokuyeka emsebenzini phambi kokugqitywa kweenkqubo zoluleko kwisicelo sokuqeshwa njengomfundisi ntsapho okanye kwiSebe le*Mfundo eNtshona Kapa* sinyanzela ukuba ikhululwe.

(3) Ukuba i*Ntloko yeSebe* icinga ukungamqeshi *umfundisi ntsapho* ngenxa yokuthathwa njengogxothiweyo phantsi kwecandelwana (loku-1), i*Ntloko yeSebe leMfundo* iya kucela ukungenisa okubhaliweyo kumfundisi ntsapho ngendlela *emiselweyo*, kwaye inokuqalisa nayiphi na inkqubo njengoko inokuba *imiselwe*, ngaphambi kokuthatha isigqibo malunga nokuqeshwa.

[Icandelo 54B lifakwe ngecandelo lama-24 loMthetho wesi-7 wama-2010.]

### **Ixesha lokufaka izikhalazo malunga nokuqeshwa okanye ukunyuselwa**

**54C.** Ngaphandle kwenqaku 3.1 (b) (i) loMthetho wezokuLawulwa Kwabasebenzi, izikhalazo eziphathelele nokuqeshwa okanye ukunyuselwa komfundisi ntsapho okanye igosa leSebe le*Mfundo laseNtshona Kapa* okwenziwe yi*Ntloko yeSebe* zizakufakwa kwiintsuku ezingama-30 kufunyenwe isaziso sesigqibo esichaphazelekayo.

[Icandelo 54C lifakwe kwicandelo lama-24 loMthetho wesi-7 wama-2010.]

### **Iimbambano ezivela kwicandelo 54A okanye 54B**

**54D.** Ngokuxhomekeke kuMthetho wezoBudlelwane bezaBasebenzi, we-1995 (uMthetho wama-66 we-1995), iBhunga leMfundo lezoBudlelwane bezaBasebenzi linomthetho wokumamela kunye nokumisela nayiphi na imbambano evela kwicandelo 54A okanye 54B. Imigaqo yeBhunga leMfundo lezoBudlelwane bezaBasebenzini malunga nokudluliselwa kunye nokuzimisela kweembambano zokugxothwa okungekho semthethweni, notshintsho olunokuthi lufunwe ngumxholo, lusebenza ngokufanayo ngokubhekisele kwiimbambano ezinjalo.

[Icandelo 54D lifakwe kwicandelo lama-24 loMthetho wesi-7 wama-2010.]

### **Abantu abangagunyaziswanga abanakutyelela kwisikolo sikarhulumente okanye bangene kumasango esikolo**

**55.** (1) Aba bantu balandelayo bazakuba nezizathu ezibambekayo zokufikelela kumasango *esikolo sikarhulumente* okanye nakweyiphi na *ihostele* eyayamene neso *sikolo sikarhulumente*—

- (a) *umfundi* okanye *ilungu labasebenzi besikolo* esichaphazelekayo
- (b) *UMphathiswa wePhondo, iNtloko yeSebe* okanye *igosa eligunyazisiweyo* ngokwecandelo le-9; [Umhlathi (b) ulungiswe ngecandelo lama-27 loMthetho wesi-7 wama-2010.]
- (c) *ilungu lebhunga lolawulo lwesikolo* esichaphazelekayo elisebenza ngemvume ebhaliweyo kasihlalo welo bhunga;
- (d) *umzali* othe ngokunxulumene *nemfundo yomntwana wakhe njengomfundi*, okanye ngenjongo yokuya kwintlanganiso *yesikolo*, ikhonsathi okanye nawo nawuphi na umsitho wesikolo *umfundi* wakhe anomdla kuwo;
- (e) undwendwe oluvela kwesinye *isikolo* ngeenjongo zokuthatha inxaxheba kwimidlalo *yesikolo* okanye kweminye imisebenzi *yesikolo*;
- (f) amalungu oluntu ahamba *isikolo* esithile kwisimemo *senqununu*, okanye inkqubo enjalo njengemvume *yeNtloko yeSebe*;
- (g) um(aba)ntu okanye i(ii)meko ezivunyiweyo *yinqununu yesikolo* esichaphazelekayo, ukutyelela *isikolo* okanye *ihostele* eyayamene *nesikolo*;
- (h) umnini wepropati ohlala *esikolweni*, okanye umtyunjwa wakhe; okanye
- (i) Umntu okanye abantu abavela kwimanyano yabasebenzi olilungu leBhunga leMfundo lezoBudlelwane bezaMsebenzini, abathi, ngenjongo zokuhlengana *nabafundisi ntsapho*, banikwe imvume *yinqununu*.

[Umhlathi (i) usetyenziswe endaweni yecandelo lama-25 loMthetho wesi-7 wama-2010.]

(2) Utyelelo kwizikolo *zicarhulumente* okanye utyelelo kwihostele eyayamene *nesikolo sikarhulumente*, ngabantu abasuka ngaphandle ngenjongo zokufaka *abafundi* phantsi kweemvavanyo zomzimba, ngokwasengqondweni nangokwemfundo okanye ukufumana iinkcukacha eziyimfishlo ngabafundi okanye iintsapho zabo, bangakuqhuba oko kuphela ngemvume yembalelwano *yeNtloko yeSebe*.

### **Ulwaphulo mthetho olunxulumene nezikolo ezizimeleyo**

**56.** Nawuphi na umntu otyeshela isithintelo esiqulathwe kwicandelo lama-27 (1), unetyala lokwaphula umthetho

### **Amatyala anxulumene nokuhamba isikolo sikarhulument ngonyanzeliso**

**57.** (1) Ukuba *umzali womfundi* oqhubeka nokuya *esikolweni ngokunyanzelekileyo* ngaphandle kwesizathu kwaye emva kwesilumkiso esibhaliweyo esivela kwiNtloko yeSebe leMfundo uyasilela ukuthumela *umfundi* rhoqo *esikolweni*, loo *mzali* uya kuba netyala lokwaphula umthetho.

(2) Nawuphi na umntu othe—

- (a) ngexesha leeyure eziqhelekileyo zesikolo—
  - (i) asebenzise iinkonzo *zomfundi* ophantsi kokuhamba *isikolo ngonyanzeliso* sawo nawuphi na umsebenzi, nokuba kungenzuzo okanye ngolunye uhlobo;
  - (ii) ngaphandle kwesizathu esaneleyo, uthintela okanye atyhafise lo *mfundi* ekuhambeni *isikolo*; okanye
  - (iii) afihle okanye agushe lo *mfundi*; okanye
- (b) amsuse *umfundi* oseklasini, kwiyunithi okanye kwisikolo *sabafundi abanezidingo zemfundo eyodwa* kwaye bengafumananga uxolelo phantsi kwaMthetho kuhambo lwesikolo olunjalo, uyakubanetyala lokwaphula umthetho.

### Ulwaphulo mthetho olunxulumene nemisebenzi yabantu abathile

**58.** Nawuphi na umntu othe—

- (a) othintela okanye ophazamisa umntu ogunyazisiweyo ngokwemigaqo yecandelo le-9, okanye *igosa lohambo lwesikolo*, xa esenza imisebenzi yakhe ngokwalo*Mthetho*;
- (aA) onqanda okanye aphazamise u*Mvavanyi oyiNtloko*, u*Mvavanyi oKhokelayo* okanye u*Mvavanyi* ekwenzeni imisebenzi yakhe ngokwalo*Mthetho*;  
[Umhlathi (aA) ufakwe ngecandelo lama-25 loMthetho wesi-4 wama-2018.]
- (b) uyala okanye usilele ukuthobela umyalelo awunikiweyo okanye isicelo esenziwe ngumntu ekubhekiswe kuye kumhlathi (a) ekusebenzeni imisebenzi yakhe ngokwalo*Mthetho*;
- (c) uyala okanye usilele ukuphendula ngokuxolisayo kumbuzo obuzwa kuye ngumntu ekubhekiswe kuye kumhlathana (a) ekwenzeni imisebenzi yakhe ngokwalo*Mthetho*;
- (d) anike ngabom ulwazi olungeyonyani okanye olulahlekisayo kumntu ekubhekiswe kuye kumhlathi (a); okanye
- (e) anqande okanye aphazamise nawuphi na *umfundisi ntsapho* ekwenzeni imisebenzi yakhe, uyakufunyanwa enetyala lokophula umthetho.

### Ulwaphulo mthetho olunxulumene nabantu abangagunyaziswanga kumasango esikolo

**59.** Nawuphi na umntu otyeshela ubonelelo oluqulathwe kwicandelo lama-55(2), uyakufunyanwa enetyala lokophula umthetho.

### Ulwaphulo mthetho olunxulumene nemisebenzi kumasango esikolo

**59A.** Nawuphi na umntu otyeshela icandelo lama-45A(1) okanye ecandelo 45B(4) uyakufunyanwa enetyala lokophula umthetho.

[Icandelo 59A lifakwe kwicandelo lama-26 loMthetho wesi-4 wama-2018.]

### Izohlwayo

**60.** (1) Nawuphi na umntu ogwetyelwe ukwaphula umthetho ngokumalunga *naloMthetho*, unetyala lokugwetywa —

- (a) kwimeko yolwaphulo mthetho ekubhekiswe kulo kwicandelo lama-56, ukuhlawuliswa okanye ukuvalelwa ejele iinyanga ezintathu;
- (b) kwimeko yolwaphulo mthetho ekubhekiswe kulo kwicandelo lama-57 (1), lama-57 (2) (a), lama-57 (2) (b), lama-58 nelama-59, ukuhlawuliswa okanye ukuvalelwa entolongweni ixesha elingadlulanga kwiinyanga ezintandathu;
- (c) kwimeko yolwaphulo mthetho ekubhekiswe kulo kwicandelo 59A, kwisohlwayo exingadlulanga kuma-R600 000.

[Umhlathi (c) wongezwe ngecandelo lama-27 loMthetho wesi-4 wama-2018.]

(2) Umgaqo owenziwe phantsi kwecandelo lesi-7 (1) (g) unokuthi, ngokutyeshela umthetho okanye ukusilela ukuthobela, umisele isohlwayo esingaqithiyo kuma- R4 000 kunye/okanye ukuvalelwa entolongweni ixesha elingadlulanga kwiminyaka emi-2.

(3) Nawuphi na umntu owaphula icandelo lama- 46 *lalomthetho*, unetyala lokwaphula umthetho kwaye uya kugwetywa isigwebo esinokugwetyelwa ukuhlasela.

### Ukudluliselwa kwamagunya

**61.** (1) *UMphathiswa wePhondo* unokuthi, ngokuxhomekeke kwiimeko ezinokumiselwa, anike naliphi na igunya elinikezwe yena okanye phantsi kwalo*Mthetho* kwi*Ntloko yeSebe* okanye *igosa*, ngaphandle kwamandla okupapasha isaziso kunye negunya lokuthatha nasiphi na isigqibo sesibheno esifakwe kuye ngokwalo*Mthetho*.

(2) *INtloko yeSebe* ingathi, ngokuxhomekeka kwezo meko inokuzimisela, igunyazise *igosa* lawo nawaphi na amagunya akhe phantsi kwalo*Mthetho* okanye anikezelwe kuye ngokwecandelwana (loku-1).

(3) Ukudluliselwa kwamandla phantsi kwecandelwana (loku-1) okanye (lesi-2) akumthinteli u*Mphathiswa wePhondo* okanye *iNtloko yeSebe*, njengoko imeko inokuba njalo, ekusebenziseni igunya elinjalo.

[Icandelo lama-61 lihlonyelwe ngecandelo lama-27 loMthetho wesi-7 wama-2010.]

## Imbuyekezo malunga nelahleko okanye umonakalo

**62.** *Igosa lohambo lwesikolo* elichazwe kwicandelo le-10, akasayi kuba noxanduva lwayo nayiphi na ilahleko okanye umonakalo obangelwe zizo naziphi na izezo zamanyathelo afanelekileyo athatyathwe phantsi kwalo *Mthetho*: Kuxhomekeka ekubeni elo *gosa lohambo lwesikolo* lenze imisebenzi yalo enxulumene nesikolo.

### Imigaqo

**63.** (1) *UMphathiswa wePhondo* unokwenza *imigaqo* kwaye, apho kufanelekileyo, ngokuxhomekeke kuzo naziphi na izithethe nemigangatho echazwe kwicandelo le-146 (2) lo*Mgaqosiseko*, malunga —  
[Amagama angaphambi komhlathi (a) osetyenziswe ngecandelo lama- 26 (a) loMthetho wesi-7 wama-2010 kunye necandelo lama-28 (a) loMthetho wesi-4 wama-2018.]

- (a) ukulawulwa nokuphathwa kweehostele nezikolo zikarhulumente kunye nokulawulwa kwepropati engashenxiswayo kunye nezixhobo ze*Sebe leMfundo yaseNtshona Kapa*;
- (b) (i) ukwamkelwa kunye nokusetyenziswa kwemali okanye ezinye iimpahla zizikolo zikarhulumente kunye oneehostele ezinxulumene nezikolo zikarhulumente, kunye neencwadi, iirekhodi kunye neengxelo ekufuneka zigcinwe ngokunxulumene naloo mabhunga okanye nabantu abakhankanywe kwimigaqo; kwaye
  - (ii) indlela ekufuneka zigcinwe ngayo ezo ncwadi, iirekhodi kunye neengxelo, ukuphicothwa ngoko kunye neembuyekiso kunye neengxelo ekufuneka zingeniswe ngokunxulumene noko.;
- (c) imisebenzi yamagosa *ohambo lwesikolo*;
- (cA) uvavanyo lomsebenzi olusebenzayo lwezikolo, abafundisi *ntsapho* kunye nabafundi;
- (cB) izivumelwano zokusebenza phakathi kwe*Ntloko yeSebe neenqununu*, amasekela *nqununu nabafundisi ntsapho* abasebenza ezi-ofisini;
- (cC) ubuncinci iiyure zokufundisa ngeveki yesikolo nangosuku lwesikolo;
- (cD) ukubhengezwa komdla wabucala wamalungu *amabhunga olawulo* ekuthengweni kweempahla neenkonzo zezikolo;
- (cE) ukuqeqesha, ukunqumamisa kunye nokugxothwa kwabafundi;
- (cF) imigaqo nemigangatho yeziseko zophuhliso ezingundoqo kunye noxhotyiso kwizikolo zikarhulumente;
- (cG) utyelelo novavanyo lwezikolo;
- (cH) Ukukhutshwa yi*Ntloko yeSebe* kwezalathiso zokusebenza ezizibophelelo kuzo zonke izikolo;  
[Imihlathi (cA) ukuya ku-(cH) ifakwe ngecandelo lama-26(b) loMthetho wesi-7 wama-2010.]
- (cI) iimodeli zolawulo lwenkxaso mali nolawulo lwezikolo zokusebenzisana nezikolo zikarhulumente ezifumana inkxaso mali;
- (cJ) imigaqo nemigangatho yokubonelelwa kwenkxaso mali kwizikolo ezizimeleyo;
- (cK) ukukhuthaza nokuqhubela phambili kwabafundi kwizikolo zikarhulumente;
- (cL) imigaqo nemigangatho yendawo yongenelelo ngoncedo;
- (cM) ulwamkelo lwabafundi kwizikolo zikarhulumente;
- (cN) ukuthengwa kweempahla neenkonzo ezinxulumene nemfundo kwiphondo;
- (cO) ukubeka esweni, kunye nokufikelela, kwisikolo esizimeleyo;
- (cP) inkqubo yobhaliso njengesikolo esizimeleyo;  
[Imihlathi (cI) ukuya ku-(cP) ifakwe ngecandelo lama-28(b) loMthetho wesi-4 wama-2018.]
- (d) nawuphi na umcimbi oya kuthi okanye *umiselwe lulawulo* phantsi kwalo*Mthetho*; kwaye
- (e) Ngokubanzi nawuphi na umcimbi u*Mphathiswa wePhondo* anokuthi awubone uyimfuneko okanye ufanelekile ukuwumisela ukuze afezekise iinjongo zalo*Mthetho*, kwaye ukuveliswa kwalo mhlathi akunakuphelela yimihlathi edlulileyo.

(2) *UMphathiswa wePhondo* akasayi kwenza mgaqo unxulumene nemali okanye izibonelelo ezihlawulwa kuye okanye nawuphi na umntu, okanye ezinxulumene nolawulo lwemali kunye neempahla zikaRhulumente, ngaphandle kwemvume yentloko yezemali.

(3) *Ummiselo* owenziwe phantsi kwecandelwana (loku-1) unokuthi, ngokwaphula umthetho okanye ukusilela ukuthobela, ukumisela isohlwayo okanye ukuvalelwa entolongweni ixesha elingadlulanga kunyaka omnye.

[Icandelo lama-63 lhlonyelwe ngecandelo lama-27 loMthetho wesi-7 wama-2010.]

### Ukurhoxiswa kwemithetho nokuyigcina

**64.** (1) Ngokwemigqaliselo yecandelwana (lesi-2), imithetho ekhankanywe kwikholam yokuqala yoLudwe lwenkqubo iyatshitshiswa ukuya kuthi ga kwinqanaba eliboniswe kwikholamu yesithathu yolu Ludwe lwenkqubo.

(2) Nantoni na eyenziweyo okanye ethathwa njenge yenziwe ngokwemigqaliselo yomthetho obhangiswe licandelwana (loku-1), kwaye enokuthi yenziwe okanye yenziwe ngokwalo *Mthetho*, iya kuthathwa njenge yenziwe ngokwemigqaliselo ebonelelwa lwalo*Mthetho*.

(3) Yonke imithetho, *imigaqo*, izaziso kunye nemiyalelo eyenziwe okanye ekhutshwe phantsi kwawo nawuphi na umthetho orhoxiswe ngulo mthetho, kwaye ubusebenza ngokukhawuleza ngaphambi *komhla omiselweyo*, ngaphandle kokurhoxiswa, iya kuhlala isebenza ngaphandle kokuba ayivumelani okanye iyangqubana nalo*Mthetho*, okanye de ubhangiswe, urhoxisiwe okanye uhlonyelwe nguMphathiswa wePhondo ngokwemigaqo, ngesaziso okanye ngokwemiyalelo, ngokwalo*Mthetho*..

[Icandelo (lesi-3) uhlonyelwe ngecandelo lama-27 loMthetho wesi-7 wama-2010.]

### **Isihloko esifutshane noqaliso**

**65.** *Lo Mthetho* uya kubizwa ngokuba ngu*Mthetho weMfundo weZikolo zaseNtshona Koloni*, we-1997, kwaye uya kuqala ukusebenza ngomhla omiselwe yi*Nkulumbuso* ngesibhengezo kwi*Phephandaba loMbuso lePhondo*.

## ULUDWE LWENKQUBO

## IMITHETHO ERHOXISIWEYO

<b>Inombolo nonyaka woMthetho</b>	<b>Isihloko</b>	<b>Ubungakanani borhoxiso</b>
UMthetho wama-47 we-1963	uMthetho weMfundo yaBantu beBala, we-1963	Wonke, ngaphandle kwamacandelo 1A, lesi-8 ukuya kwelama-20, lama-26, lama-28 ukuya kwelama-31 nalapho uMthetho unxulumene neekholeji zemfundo
UMthetho wama-61 we-1965	uMthetho weMfundo yamaNdiya, we-1965	Wonke, ngaphandle kwamacandelo 1B, 3B, lesi-8 ukuya kwelama-20, lama-26, lama-28, lama-29, lama-31, lama-33(1) (g) nalapho uMthetho unxulumene neekholeji zemfundo kunye neekholeji zobugcisa
UMthetho wama-60 we-1967	uMthetho woLungiso lweMfundo yamaNdiya, we-1967	Wonke
UMthetho wama-76 we-1967	uMthetho woLungiso lweMfundo yaBantu beBala, we-1967	Wonke
UMthetho wama-92 we-1970	uMthetho woLungiso oloNgezelelweyo loMthetho ngokuBanzi, we-1970	iCandelo le-13
UMthetho wama-53 we-1973	uMthetho woLungiso lweMfundo yaBantu beBala, we-1973	Wonke
UMthetho wama-62 we-1973	uMthetho woLungiso loMthetho ngokuBanzi, we-1973	iCandelo lama-31
UMthetho wama-94 we-1974	uMthetho woLungiso lwesiBini loMthetho ngokuBanzi, we-1974	iCandelo lama-39
UMthetho wama-29 we-1976	uMthetho woLungiso lweMfundo yaBantu beBala, we-1976	Wonke
UMthetho wama-95 we-1976	uMthetho woLungiso lwesiBini lweMfundo yaBantu beBala, we-1976	Wonke
UMthetho wama-39 we-1979	uMthetho woLungiso lweMfundo yamaNdiya, we-1979	Wonke
UMthetho wama-50 we-1979	uMthetho woLungiso lweMfundo yaBantu beBala, we-1979	Wonke
UMthetho wama-90 we-1979	uMthetho weMfundo noQeqesho, we-1979	Wonke, ngaphandle kwamacandelo 1A, elesi-3, elesi-4, 11 ukuya kwelama-29, elama-31, elama-32, elama-43, elama-44, elama-44 (1) (h) napho uMthetho unxulumene neekholeji zobugcisa kunye neekholeji zemfundo
UMthetho we-15 we-1980	uMthetho woLungiso lweMfundo yaBantu beBala, we-1980	Wonke
UMthetho wama-52 we-1980	uMthetho woLungiso lweMfundo noQeqesho, we-1980	Wonke
UMthetho we-9 we-1981	uMthetho woLungiso lweMfundo yamaNdiya, we-1981	Wonke
UMthetho we-10 we-1981	uMthetho weMfundo noQeqesho, we-1982	Wonke
UMthetho wama-85 we-1983	uMthetho woLungiso lweMfundo yaBantu beBala, we-1983	Wonke
UMthetho wama-74 we-1984	uMthetho woLungiso lweMfundo noQeqesho, we-1984	Wonke
UMthetho wama-78 we-1984	uMthetho woLungiso lweMfundo yamaNdiya, we-1984	Wonke
UMthetho wama-64 we-1985	uMthetho woLungiso lweMfundo yamaNdiya, we-1985	Wonke
UMthetho wama-71 we-1985	IiYunivesithi zabaNtsundu, iTekhnikhoni (iMfundo noQeqesho) kunye noMthethosihlomelo woLungiso lwezeMfundo kunye noQeqesho, we-1985	iCandelo lama-36
UMthetho wama-76 we-1985	uMthetho osisiLungiso seMfundo yaBantu beBala, we-1985	Wonke
UMthetho wesi-3 we-1986	IiYunivesithi kunye neTekhnikhoni yabaMnyama, iMfundo ePhakamileyo (iMfundo noQeqesho) kunye noMthetho	amaCandelo le-19, lama-20, lama-21, lama-22, lama-23, lama-24 nelama-25

	woLungiso lweMfundo noQeqesho, we-1986	
UMthetho we-100 we-1986	uMthetho woLungiso lweMfundo (iNdlu yabaThunywa), we-1986	amaCandelo loku-1, lesi-2, lesi-3, lesi-4, lesi-5, lesi-6 nelesi-7
UMthetho we-104 we-1986	uMthetho weZikolo zaBucala, (iNdlu yoWisomthetho), we-1986	Wonke, ngaphandle kwecandelo 1A
UMthetho wama-95 we-1987	uMthetho woLungiso lweMfundo yezemiMthetho, (iMfundo noQeqesho), we-1987	amaCandelo lesi-5, lesi-6, lesi-7, lesi-8, le-9, le-10, le-11, le-12 nele-13
UMthetho wama-31 we-1988	uMthetho woLungiso lweMfundo yezeMithetho, (iMfundo noQeqesho) we-1988	amaCandelo le-9, le-10, le-11, le-12, le-13, le-14, le-15, le-16, le-17 nele-18
UMthetho wama-70 we-1988	uMthetho weMicimbi yeMfundo, we-1988 (iNdlu yoWisomthetho), we-1988	Wonke, ngaphandle kwecandelo lesi-3, elama-65 kunye nesaHluko sesi-7
UMthetho wama-35 we-1989	uMthetho woLungiso lweMfundo noQeqesho, we-1989	Wonke
UMthetho wama-42 we-1990	uMthetho woLungiso lweMfundo noQeqesho, we-1990	Wonke
UMthetho wama-60 we-1990	uMthetho woLungiso lweZikolo zaBucala (iNdlu yoWisomthetho), we-1990	Wonke
UMthetho wama-88 we-1991	uMthetho woLungiso lweMicimbi yeMfundo (iNdlu yoWisomthetho), we-1991	Wonke
UMthetho we-100 we-1991	uMthetho woLungiso lweMfundo noQeqesho, we-1991	Wonke
UMthetho wama-39 we-1992	uMthetho woLungiso lweMicimbi yeMfundo (iNdlu yoWisomthetho), we-1992	Wonke
UMthetho wama-55 we-1992	uMthetho woLungiso lweMfundo noQeqesho, we-1992	Wonke
UMthetho we-106 we-1992	uMthetho woLungiso lweSine loMthetho ngokuBanzi, we-1992	Wonke
UMthetho we-112 we-1992	uMthetho woLungiso lweMfundo yaBantu beBala (iNdlu yabaMeli), 1992	Wonke
UMthetho wama-36 we-1993	uMthetho woLungiso lweMicimbi yeMfundo (iNdlu yoWisomthetho), we-1993	Wonke
UMthetho wama-50 we-1993	uMthetho woLungiso lweMfundo yamaNdiya (iNdlu yabaThunywa), we-1993	Wonke
UMthetho we-132 we-1993	uMthetho woLungiso lweSine loMthetho ngokuBanzi, we-1993	iCandelo le-15
UMthetho we-139 we-1993	uMthetho woLungiso lweMithetho yeMfundo (iNdlu yoWisomthetho), we-1993	iCandelo loku-1
UMthetho we-162 we-1993	uMthetho woLungiso lweSine loMthetho ngokuBanzi, we-1993	Wonke
UMthetho we-10 we-1994	uMthetho weZikolo zeNtshona Kapa, we-1994	Wonke
UMthetho wesi-7 we-1996	uMthetho woLungiso lweZikolo zeNtshona Kapa, we-1996	Wonke